


4667


T

1,868

RÉSERVE









T. 1868.

4667

XL 615162



Si tu n'as de l'appetit, Ceste Table t'en apporte:
 Tant le grand que le petit, Se peut trouër à la feste.
 FAC FIXVM VOLATILE & VOLATILE FIXVM
 A PARIS Ches Charles Seuestre Rue S^t Jacques
 Avec Priuilege 1. 6. 1. 3. du Roy



LA
TOYSON D'OR

OV

LA FLEVR DES THRE-
SORS, EN LAQVELLE EST SVCCIN-
ctement & methodiquement raiecté
de la Pierre des Philosophes, de son ex-
cellence, effects & vertu admirable.

PLVS

De son Origine, & du vray moyen de pouuoir
paruenir à la perfection.



ENRICHIES DE FIGVRES, ET DES
propres Couleurs representees au vis, selo qu'elles doiuent
nécessairement arriuer en la pratique de ce bel Oeuvre.

ET

Recueillies des plus graues monuments de l'Antiquité, tant Chal-
deens, Hebreux, Aegyptiens, Arabes, Grecs, que La-
tins, & autres Autheurs approuuez.

Par ce Grand Philosophe SALOMON
TRISMOSIN Precepteur de Paracelse.

Traduiet d'Alemand en François, & commenté en forme de
Paraphrase sur chasque Chapitre par L. I.

A PARIS,

Chez CHARLES SEVESTRE, rue S.
Iacques deuant les Mathurins.

M. DC. XIII.

AVEC PRIVILEGE DV ROY.

THE NEW YORK PUBLIC LIBRARY

ASTEN LENOX AND TILDEN FOUNDATIONS

500 N. 5TH ST. NEW YORK, N. Y.

1892

1893

1894

1895

1896

1897

1898

1899

1900

1901

1902

1903

1904

1905

1906

1907

1908

1909

1910

1911

1912

1913

1914

1915



A

TRES-HAVLT ET TRES-
ILLVSTRE PRINCE, MON-
SEIGNEVR FRANCOIS DE
BOVRBON, PRINCE DE CONTY,
Souuerain de Chasteau-Renaud, &
Terres d'oultre & deçà la Meuze,
Gouuerneur & Lieutenant General
du Roy aux Pays d'Anjou
raine, & le Mayne. & c.



ONSEIGNEVR

Ceux qui pouſſez de quelq^{ue} en-
trepriſe, portent inconſide-
rement les vœux de leur conſtâce,
ſoubz le graue tableau de maintes fantaſies,
ne ſe donnent rien moins en l'exceſ inuenté d'un
eſprit fort en bouche, qu'une ferme aſſurance
de tout bon & heureux ſucces; leſquels ce ne-
antmoins decheus de cette proſperité vainement
eſbauchee, ſont mainteſois contraints de chan-
ger de propos, & iuger autrement, par un
deſauantage promptement eſmaillé ſur la le-
gereté des paſſions immoderées, que le triſte eue-
nement de cette impreſſion ne s'en eſtoit promis;
deplorant à loiſir le cours de leus erreurs conceus

A ij

à cōtre-poil del'esperāce qu'ils s'estoient imagi-
 nez dans vn sommeil delicieux: lors qu'au
 milieu de la carriere, cinglant sans y penser en
 la plus haulte mer de leurs conceptions, on les
 void enleuer au gré des vents, comme par les
 aïles cirees de quelque ambitieux Icare, charmé
 des ombres sombres de la mescognoissance,
 & courir risque tant de leur fortune que de
 leur vie, sur le dos impetueux d'un Neptune
 irrité par l'esmeute des flots ennemis de leur
 bon-heur, que les testes sourcilleuses des vagues
 vagabondes ont superbement esleuez iusqu'au
 Ciel de leur misere, pour les precipiter dans les
 golphes profonds des ondes insensee, se ioyant
 impitoyablement du mal-heur de leur vaisseau.
 Il n'y a celuy d'eux qui se sentant à deux doigts
 du peage, ne perde iugement, & n'abandonne
 au mesme temps les resnes de sa prudence, pour
 ceder aux accex violens d'une telle esmotion,
 tellement alterez des intemperies du desespoir,
 que leurs premieres brisees quittent la prise de
 cette lice, entreprise pour s'opposer aux symp-
 tomes rigoureux de la tourmente, sous la tutel-
 le confidente d'un nautonnier expert, l'industrie
 duquel disputoit à force ouuerte de leur reste de
 vie, resignee entre ses mains, pendant qu'ils
 faisoient trefue avec le soin de leur voyage, pour

recevoir de cemonstre impiteux, telle condition de viure ou de mourir, que la rigueur de ses disgraces, leur oseroit tristement imposer.

Ainsi confus, & ia quasi reduicts aux extremes soupirs d'une necessité forcee, les Alcyons ioyeux auant-couriers des airs fauoniens, paroissans sur l'aspect rigoureux de ces fortes seconfesses, leur fist iecter les yeux vers vn nauire heureusement voüé à la poursuite de leur salut, qui renoquant fort à propos du sepulchre effroyable des eaux, ces corps attenneux, & racheptex au prix de quelques ais brisez, les mist d'une faueur inesperee au bord de leurs pretentions. Le naufrage eutré les faict rentrer de plus belle, en l'esquipage qu'ils estoient, au premier train de leur voyage, & l'estroicte bienveillance des aîtres plus tranquilles, relevant leur esprits ia terrassez soubx les puissâs efforts de l'apprehensio, leur ouure le chemin des lauriers verdoyans, qu'ils trouuerent en fin semex dans la viue pepiniere de leur persenerance.

Ce vis Tableau de longue haleine, représenté sur le mesme theatre de l'imagination, recelle prudemment soubx le bandeau de sa figure allegorique, vn modèle esgaré de mes inquietudes, pour mettre au iour ce mien labeur de penible recherche. Ceux qui se sont heureusement sau-

uiez des plaines mesdisantes en mesmes occasions,
 se pourront bien passionner aux esguillons de
 mon soucy, apres auoir tousiours en crainte son-
 dé les flots des pointes acerees, mais l'ignorance &
 la timidité se rendront insensibles aux mouuemens
 de ma compassion. Le seul Athlete dont la va-
 leur & l'assurance sont souuent mis en proye,
 peut decider de nostre differend par la dexterité de
 son experience: si ie n'auois gousté de ces appas,
 ie ne pourrois aussi iuger de l'amertume, &
 l'absynthe des ialouses rigueurs n'auroit pas at-
 taqué la douce myrrhe de mes preseruatifs, si
 l'océan de ma constance n'auoit courbé l'eschine
 de mes traux sur le sable mouuant de leur te-
 merité: Vray est que le contentement & le loisir
 m'ont porté d'un plein saut à cette recreation,
 d'apprester le vaisseau d'une haute science pour
 roder toutes les costes de ce large Vniuers, &
 recueillir de chaque fleur des meilleurs Philoso-
 phes, un essain de doux miel pour vous le pre-
 senter: où les nochers de mes desseins enfantez
 dans la curiosité, & commandans absolument
 aux preparatifs de la Toyson, se sont seruis de
 ma plume solaire, pour ramer plus legerement
 sur l'horoscope veritable des bons Autheurs: &
 de fait mon esprit équipé, ce me sembloit, suf-
 fisamment des choses necessaires (mais plustost

esbloüy de mes propres contentemens) s'exposoit
 au bon vent qu'il auoit ia congeu de son labeur,
 sur la mer mesdisante de ce monde, sans autre-
 ment preuoir l'effort de la tempeste, qui suiuoit
 de bien pres les pas incertains de ma franchise,
 par l'indiscrete liberté des traits & morsures
 venimeuses. Si ne voulus-je pas, enueloppé de ces
 brusques rencontres, laisser pourtant en friche le
 modeste trafic de mes pretentiōs, contr'opposant
 aux filets de leur rigueur, les rets consecutifs de
 ma persseuerance : mais à la fin succombant
 soubz le faix importun de tant d'orages, ie vy
 l'heure que ie tombois entre les ceps calomnieux
 de leur presumption, & les voiles rompus de ma
 fregate, abandonnez au gré de mes censeurs,
 s'apprestoient à mon mal-heur le triomphe de
 ma captiuité. Ce fut en cette deniere table, que
 mon proche naufrage eut besoin de vos faueurs,
 ce fut en ce combat, n'ou d'un à un, ny à perte
 de veüe comme les Andabates, mais d'un seul
 contre tous où ie me vy surpris, n'ayant sceu re-
 contrer si soudain au secours de mes trauerses,
 l'homme tel que le Sophiste Cinique cherchoit
 si soigneusement en plein midy au flambeau cu-
 rieux de ses desirs : mais l'auiron de mon bon-
 heur, m'ayant conduit, en cette partie inegale,
 aux Isles fortunées de vostre souuenance, benit

gnemēt me retira du precipice des mal-veillans,
 (plustost nez à la censure des actions humaines,
 qu' humblement persuadez à faire mieux) sitost
 que la necessité forçant la loy de ma discretion,
 me tourna les yeux fixement arrestez Vers les
 rayons brillans de vostre puissance genereuse,
 qui sceut au mesme temps dissiper les nuages de
 leur enuie, comme d'vn esclat foudroyant par la
 seule memoire de vos graues vertuz, me ren-
 dant l'air aussi serain, & le trident de la marine
 aussi paisible qu'au paradiuant. Si desia deliuré
 pour la premiere fois de ces viperes dangereuses,
 le fief de ma protection releue en hommage de
 vostre pieté; que pourrois- ie moins faire en ce
 second destroit, que d'accourir aux mesmes
 vœux qui m'ont desia vne autre fois esté salu-
 bres? A ces fins, Monseigneur, ie prosterne
 les fruiçts nouveaux de mon arbre d'Hermes,
 aux pieds respectueux de vostre illustre Nom,
 pour inspirer benignemēt sur la simplicité de ces
 lignes craintives, le soufle necessaire de vostre
 authorité & l'agreable liqueur de vos douceurs,
 à ce que le venin des harpies iniurieuses, glissant
 fortuitement sur le suc de mon ouurage, se
 puisse heureusement changer en viâdes exquisés
 & de douce saueur. Mais comme le subject est
 d'importance & releué, aussi a il besoin pour

sa conduite d'une lumiere plus qu'ordinaire; Et
 comme la matiere dont nous traiçtôs, excelle les
 autres tiltres en qualité, le plus grand fruit de
 la gloire du monde y estant contenu, l'essence
 glorieuse de ses merueilles ne se peut maintenir
 en sa perfection, qu'en celle de vostre vniue
 rseur, qui surpassez en race, en grace, en renom
 Et vertueux courage l'excellence du monde. Mais
 quoy? si ie voulois entrer en contestation de ces
 deux circonstances, l'impossible de mon dessein
 seroit de la partie, Et n'oserois inviter vostre
 grandeur à prendre en bône part la source racour
 cie au petit pied de mon simple discours, si l'ex
 celer excellent de voz vertuz royales n'imitoit la
 clemence des grands Monarques, qui se mesco
 gnoissans volontairement en ce qu'ils sont,
 moulent un abregé de leurs puissances pour les
 entre-mesler avec la basse estoife du commun peu
 ple, se payans discrettement de la monnoye de nos
 sinceritez au poids esgal de nos bonnes affe
 ctions, de sorte que l'intention suppleant nostre
 defaut, guide la regle de nos infirmitiez sur le cu
 be celeste de leurs submissims. He qui sans
 crainte ou sans presöption aborderoit asseurement
 ces essences diuines, si d'elles mesmes le rang ne
 se trans-formoit en Soleils de candeur Et debon
 naireté? Quoy que la preseance que les Princes

ont gagné sur le reste des hommes, les puisse
 avec raison distraire de nostre communication,
 toutesfois ces hauts Mōrs se panchent humaine-
 ment deuers nous, & s'humilient en leur gran-
 deur, pour esleuer nostre simple humilité à la
 participation mystérieuse de leurs prudens se-
 crets, sçachans assez que la Clemence des grands
 est du ressort de la diuinité. Sur le modèle de ces
 fermes appuys, i'establi ray la quadrature de
 mes poursuites, & cimenteray l'anchre tres-as-
 seurée de mes humbles supplications, pour es-
 lancer succinctement quelques crayons de mon
 repos, en la protection de vostre œil gracieux,
 qui grauera benignement sur le front decouvert
 de mon petit ouurage, l'auguste autorité de
 vostre illustre nom, m'assurant en iceluy de
 l'entreprise delectable de mes vaisseaux embar-
 qués sous le Ciel de vos graces, attendant au
 leuer d'une benigne Aurore, l'estoille favorable
 de ma navigation. Que si le bon augure que ie
 lis en l'effigie de vostre doux visage, me respōd
 de l'heureux euenement que vostre bien-veillā-
 ce m'en promet, ie me croiray bien plus que for-
 tuné, de pouuoir sans enuie surgir au port &
 en la voye infailible de cet Oeuure doré, qui sert
 de butte à tous les beaux esprits: si dis-je, Mon-
 seigneur, vous me donnez liberalement l'entree.

tutelaire de voz dignes faueurs, ie n'auray plus
 cette apprehensio de me soubsmettre à la rigueur
 des flots, puisqu'à l'instant les escumeurs de
 ma reputation n'auront plus le pouuoir de met-
 tre à fond le max ny le timon de mon vaisseau,
 voguât paisiblement sur l'eau tranquille de voz
 douceurs. Les Satyres de ce temps forceront leur
 naturel passionné, à rechercher de la discretion
 & du silence en la volonté de vos commande-
 mens, pour ne se precipiter eux mesmes dans les
 disgraces de vos seueritez, & mes esprits fon-
 dex sur l'esperance de vostre secours, flechiront
 les genoux de leurs intentions deuant le vif ima-
 ge de vos Heroïques vertus, pour en eterniser
 fidellement la memoire à la posterité. Ce sera
 donc soubz le voile de vos graces, que mes irre-
 solutions se resoudront au voyage préparé, ne
 croyant pas desormais rencontrer aucun Caryb-
 de qui puisse destourner ma tramontane & l'es-
 guille nautique de mes desseins de son sétier par-
 fait, franchissant librement soubz l'asyle de vo-
 stre authorité, l'effroyable destroit des censures
 rigoureuses, & la brusque carriere des langues
 mesdisantes. La loy de mon deuoir imitant celle
 des Perses en la fidelle recognoissance de leurs
 Seigneurs, ne permettroit iamais que ie vous ap-
 prochasse sans l'humble prouision de quelque pi-

euse offrande. La Voicy, Monseigneur, que j'ap-
 prends à voz pieds; voicy cette Toysô, heritiere de
 mes vœux, que ie vous legue en derniere volon-
 té, & dedie d'un cœur entier à la souuenance de
 voz merites; à vous, qui paroissiez vn oracle ve-
 ritable en nostre France, & sous lequel com-
 me vn astre brillant elle a courageusement voire
 miraculeusement trauersé les nuages bazanez,
 qui s'efforçoient d'eclypser le Midy plus luisant
 de nostre beau Soleil. Que si le doux prin-
 teps de nostre royal Orison s'est paisiblement maintenu
 en l'estat d'un bon-heur, au temps mesme le
 plus cuisant de sa forte tempeste, par la pruden-
 ce particulièrement admirable & necessaire de
 vostre aduis: & si vostre genereuse constance a
 retiré de nostre Zone, les cataraçtes orageuses
 qui pensoient fondre sur l'aggreable & odoran-
 te fleur de nos Lys, que dois-ie craindre en mes
 Vespres Siciliennes de sinistre accident, vous
 ayant pour appuy? La ruine du Ciel ny le chaos
 peste-meslé de l'vniuers, ne m'attireroient pas
 au moindre ressentiment de ces horreurs, si ie
 puis obtenir en ma priere l'abry & le couuere
 de vostre sauue-garde. Je l'implore donc sur tou-
 tes choses, & me presente à voz grandeurs pour
 cet effect, la victime de mes supplications en
 la main, avec lesquelles & de vostre faueur ie

conduiray ma nef au port delicieux de sa fin de-
 siree: mais à condition que combattant soubz
 vostre authorité, & remportant vne heureuse
 victoire sur tous les mesdisans, il vous plaise
 recevoir les despoilles de ce trophée en satisfa-
 ction de ma fidelité, laquelle ie conserueray sans
 fin aux vœux perpetuels de vos Royales per-
 fections, mariant humblement à ce iuste deuoir,
 le desir de prier tousiours Dieu pour vostre pro-
 sperité & parfaicte conualescence, me qualifi-
 quant à cet effect, tant que i'auray de vie,

MONSEIGNEVR.

De Paris ce 25.
 Nouemb. 1612.

Vostre tres-humble,
 tres-obeissant & tres-
 fidele seruiteur L. I.

PRIVILEGE DV ROY.



LEVIS PAR LA
GRACE DE DIEV ROY
de France & de Nauarre, A
noz amez & feaux Cōseil-
lers les gens tenans nostre
Cour de Parlement de Paris, & à tous
nos autres Iusticiers & Officiers, Salut.
Nostre cher & bien amé Charles Seue-
stre, marchand Libraire demeurant en
nostre ville de Paris, nous a fait hum-
blement remonstrier, qu'il luy auroit esté
mis és mains vn liure intitulé, *La Toyson
d'or, ou la fleur des Thresors enrichies de figures,
& recueillies des plus graues monumens de l'an-
tiquité, par ce grand Philosophe Salomon
Trismosin Precepteur de Paracelse, Traduiet
d'Allemand en François par L. I. Lequel*
il desireroit faire imprimer & mettre en
lumiere: mais il doubte qu'autre que
luy ou ceux ausquels ledit suppliant au-
roit donné charge de ce faire, se voulus-
sent ingerer de le faire imprimer, le fru-
strât par ce moyen de ses frais & traux, &
s'il ne luy estoit pourueu par nos let-
tres sur ce conuenables. POVR CE
EST-IL desirant subuenir à nos sub-
iects selon l'exigence des cas, voulans

ledit suppliant estre recompensé de ses
frais, mises, peines & traux, luy auôs
permis & octroyé, permettôs & octroyôs,
par ces presentes d'imprimer ou faire im-
primer vèdre & distribuer par tout nostre
royaume ledit liure sans qu'autre que le-
dit suppliant ou ayans cause ou pouuoir
de luy le puisse imprimer ou faire impri-
mer vèdre & distribuer iusques au terme
de six ans, à compter du iour & d'acte de
l'impression, sur peine de confiscation &
d'amande arbitraire, & de tous despens
dommages & interests enuers luy: Vou-
lons en outre qu'en mettant, ou faisant
par luy mettre au commencement ou à
la fin dudit liure ces presentes ou brief
extrait dicelles qu'elles soiēt tenues pour
signifiees & venues à la cognoissâce de
to^s sans souffrir ne permettre luy estre fait,
mis ne donné aucun empeschement au cō-
traire. CAR AINSY NOVS PLAIST
IL estre fait, non obstant quelcon-
ques lettres à ce contraires. Donnē à
Paris le huiſtième iour d'Octobre, l'an
de grace mil six cens douze, & de nostre
Regne le troisième.


PAR LE ROY.

POVSSEPIN

BAR LE ROY
BOYSSERIN



PROLOGVE.



Lphidius à bon droict
estime l'un des plus ce-
lebres & recomman-
dables à la Posterité
d'entre les anciës & sa-

ges Philosophes de son temps, nous
propose en ses diuins Escrits, que
la *Contemplation ordinaire*, consi-
deration mystérieuse & lecture con-
tinue des Autheurs approuuez, re-
nommez, suffisamment pour tels
recommandez, & qui nous ont à
qui mieux diuinement traicté de
cet œuure, admirable & non iamais
assez loué, chanté ny reueré des
plus rares esprits, qui par curiosité
digne d'un tel suiet, ou par compas-

sion d'y voir tant d'ames aueuglees
y consommer le temps , ont bien
sagement daigné produire au iour
quelque brillante estincelle de l'ex-
cellence de nostre Lion qui se co-
gnoist à la patte , pour arres seule-
ment de l'ardente lumiere qu'ils en
ont retirée , ou pour iuger pour le
moins à peu pres, de la pierre preci-
euse par l'examen de cet eschantillō
sacré : Ce sage dis-ie & preuoyant
docteur , dit que la recherche de ce
Soleil terrestre , rapporte autant ou
plus de fruit & de contentement
aux Nourrissons doctement esle-
uez soubz la prouidente tutelle de
cette Science sur-humaine & sans
doute celeste , amiablement nourris
de l'aggreable laiēt de sa mammelle
& amoureuse & sauoureuse ; qu'elle
peut de mespris & mescontentemēt
aux oreilles bijearres de ces doctes
ignorans, qui n'ont l'entendement

assez rassis pour en iuger pertinem-
mēt, & comprendre l'effect d'un my-
stere si haut, si graue & serieux; la
veuë assez subtile pour en voir le su-
iect, ny le cerueau de soy suffisam-
ment tymbré pour arrester le prix de
cette perle inestimable: ains seulemēt
nourris, esleuez & soulagez, rassasiez,
ou pour mieux dire entretenus du
suc amer d'ignorāce, se rendēt inca-
pables de viandes plus solides, pour
digerer à poinct nōmé & se remettre
à tout propos comme vn obiect de-
uant les yeux, l'art de la Pierre des Sa-
ges, que nous disons le Ciel des Phi-
losophes.

Mais à ceux là ne conseilleray ie ia-
mais aussi de s'empestrer plus auant
dans les vagues replis de la Toison
doree, non pas mesme toucher du
moindre bout du doigt ny des le-
ures seulement ce Dedale inespui-
sable de leur foible portee; pour

ce que ces Ceruelles esceruellées ne
sont pas appelez au triomphe glo-
rieux de ce degré d'honneur, pro-
mis & assure aux ames seulement
philosophes, non pas à tous venans,
ny s'embroüiller l'esprit, assez ca-
pricieux d'ailleurs, d'oser succer le
miel des delices de nos iudicieux Es-
crits : estant plus à propos, vtile &
profitable à ces testes ignorantes,
d'en preferer le souuenir du coust au
merite du goust, sans s'exercer à ce
labeur, ny faire quelque espreuue si
chetiue que ce soit, de nostre ope-
ration diuine; ains plustost retirer du
Verger verdoyant de noz precieuses
Hesperides, le nez infructueux de
leur insuffisance, incapable despro-
positions trop subtiles pour leur
chef, de nostre œuvre excellente, à
l'esgard disproportionné de leurs foi-
bles pensees.

Nostre celeste Muse ne s'amuse pas

aussi aux caprices indifferets de tout le monde en gros, ains en detail considere les vns pour mespriser les autres, faisant vn choix sortable de ses plus fauoriz & de ceux qu'elle peut recognoistre vrays enfans de la sciēce, les appellant benignement aux plus heureux rayons de ses rameaux dorez, au lieu qu'elle esloigne les autres tant qu'elle peut de ses foyers.

Prophanes n'approchez de nos thresors sacrez,

Aux esleus seulement sainctement consacrez.

Rasis n'en pense pas moins au Traicté qu'il a faict de la lumiere des lumieres. Nul ne doit, ce dict il, tant de foy presumer, sans espoir assure d'écourir, par le blasme certain la honte qu'il merite, estendant ses desirs au delà des imprudētes limites de sa capacité, pour puiser à son gré dans les foibles ressorts de son debile esprit, l'essence pure & nette des mixtiōs admirables, quoy qu'à eux incognuës

des parfaicts Elemens. Aussi qu'à
vray parler, telles sortes de gés y met-
tât plus qu'ils n'ẽ recueilleront, l'ap-
prestent plus de confusion que de
contentement, plus de brocards que
de soulagement, plus sujets mille
fois à l'apprehension d'un triste cha-
stiment, qu'au gain du fruiet preme-
ditẽ; sans se ressouvenir de la verge
d'Apelle, qui reprit en deux mots la
scientifique presomptiõ d'un rogue
sauetier par la baguette de sa rigueur,
à l'instant qu'il pensoit proprement
estaller son discours importun hors
les droictes clostures de son simple
soulier, pour reprendre imprudem-
ment, & à l'esgal d'un venerable cẽ-
seur, les traicts & le portraiẽt de son
graue tableau.

*Tu pouuois, luy dict il, parler de ta pantoufle:
Mais nõ pas d'un pourpoint, d'un bras ou d'une
moufle.*

Aussy est ce pourquoy fort à pro-

pos, la Bienſeâce pour euitier le blaſme enuenuimé, & la censure d'un public ombrageux, nous met deuant les yeux ce poinct de modeſtie.

Plus qu'on ne peut on ne doit eſſayer;

Et tel en bruit qui ne ſçayt begayer.

Auec cette autre colomme qui luy ſert d'eſtançon & de ſolide appuy.

Exerce ſimplement ce que la cognoiſſance

De ton Art t'a donné, & fais experience

De ce que tu cognois.

Mais quoy, chacun doreſnauant en ce temps miſerable ſ'en faiçt tant & tant accroire, & ſe flatte tellement en ſon opinion, qu'il ne trouue plus riē de trop chaud, que ſa main d'arrogance ne prenne impunément, penſant bien rencontrer en ce ſiecle de fer, quelques cicles dorez, & plus aſſeurement que la febue au gaſteau.

L'ignorant accablé dedans ſon ignorance,

Veut ores diſcourir d'une docte ſcience,

Penſant meſme ſçauoir tout ce qu'il ne ſçayt pas.

A iij

Tellement esuentez, que tenant vn grand quartier des caprices de la Lune, ils se rompent la teste à la penser faire descendre avec ses influences sur le corps de la Terre, mere des Elemens, mesme par vn sentier qu'ils ne cognurent iamais; seulement appuyez sur les apparences naturelles d'une curiosité concupiscible & desiruse de nouveautez. Mais si tant est que *ignori nulla cupido*, selon le Philosophe, quelle apparence peuent ils concevoir des effects transcendants de nostre bon Genie?

*Leur Esprit plus leger qu'une legere nuë,
Ne peut pas bien parler d'une chose inconnüe.*

Et non plus que les aveugles qui ne peuent pas iuger des couleurs estans priuez de la veuë; ainsi les ignorans ne peuent ils parler qu'en beguayât ou les pieds soubz la table, du Ciel des Philosophes : *Sit efata vo-*

cant, aliter non, di& Augurel en sa Chry-
sopce.

*Que si du Ciel la faueur r'est donnee,
Addonne toy à cet Art precieux,
Puis que d'ailleurs elle n'est ordonnee
Aux plus sçavans que par le don des Cieux.*

Aussi commencerois-je à faire plus
d'estat de leur bon iugement, s'ils se
deueloppoient de cette onereuse re-
cherche, qui ne se laisse aysemēt ma-
nier à l'importunité de ces brusques
auortons de science. Tous ceux qui
l'implorent & presentent leur esquif
à l'emboucheure de ce Golphe, n'ar-
riuent pas à bord; & la pluspart de
ceux qui y font voile ou s'embar-
quēt à ce port, rencontrent le naufra-
ge au milieu du chemin. Apres mille
trauaux les sages Argonautes, con-
duits entre les ondes par la puissante
main des longues Destinees, cōqui-
rent seuls en fin cette riche Toison, à
la pointe de la valeur, armee & secou-

ruë de l'industrie , de l'experience &
la patience , vrayz conducteurs de
la bonace expressement requise à
ce diuin effect.

-----Pauci quos æquus amavit
Iuppiter, aut ardens euexit ad æthera
virtus,

Dieu ne l'a donne point qu'à ses plus fauoriz,

Et à ceux que le Ciel a doucement nourris.

Aussi faut-il pour aborder cette
Isle renommee , qu'on dict nostre
Colchos , mieux preuoir le naufrage , & remarquant le poinct des
causes naturelles, sçauoir au bout du
doigt les plus fameux escrits qu'en
ont desueloppé les meilleurs Phi-
losophes de nos siecles passez , &
iuger de la verité parla concordance
de leurs peintures separees ; autrement
ie les voyst tous bâdez pour
vne defense estroite de laisser seule-

ment ouvrir leurs liures à tous ces ignorans.

*Osez vous feuilleter d'une main sacrilege,
Le prix de nos cayers sans nostre privilege?
Non non, retirez vous, voz appas ne sont pas
Pour surprendre l'oysseau qui nous sert de repas.*

Les Philosophes sont curieux de
cōmuniquer avec leurs semblables,
aussi ne parlent-ils que pour les plus
sçauāts: ainsi nous le maintiēt la Cō-
plainte de Nature, *Si tu la sçais, ie t'ay tout
dict, mais si tu ne la sçays, ie ne t'advance en rien.*
C'est pourquoy iustemēt censurēt ils
leurs liures, sur peine de n'y riē com-
prendre qu'un suc de confusion &
de perte de temps, s'ils ne sont plus
capables d'en cueillir le doux miel
parmy tant d'autres fleurs.

Rosin conforme aux precedens
auteurs, n'approuue pas non plus le
temps qu'ils y employent, les bapti-
fant du nō d'imbecilles d'esprit, pour
s'appliquer si brusquemēt à cet essay,

sans la cognoissance des choses que
les Philosophes en ont mis par escrit,
Où est l'accord là est la verité, disent
le Comte de Treuise & le grand Ro-
saire, *Concorda philosophos & benetibi erit.*

*Si de tous tes discords tu veux voir la concorde,
Des sages les accords accorde sans discorde.*

Lesquels ont institué pour fonde-
ment de cet Art, vn principe naturel,
non pourtant familier mais par vne
operation & science cachee: Cōbien
qu'il soit manifeste & plus clair que
le iour, que toutes choses corporel-
les prennent leur source & leur estre
de la masse terrestre, *Terra enim est ma-
ter Elementorum*; de terra procedunt & ad ter-
ram reuertuntur, dict le docteur Hermes.

*La terre est l'Element mere de toutes choses,
Que nourrice elle enceint dans sa matrice en-
closes.*

Comme le vase des generations;
aussi bien que leurs proprietiez selon
l'ordre du temps, par l'influence des

Cieux, (quiluy seruent de semence & de chaleur formatiue à faire germer & produire la matiere) des Planettes, du Soleil, de la Lune ou des estoiles, & ainsi des autres consecutiuelement avec les quatre qualitez des Elemens, qui se seruans de matrice l'vn à l'autre, se mouuent sans cesse, & ausquels se rapportent toutes choses croissantes & naissantes avec vne origine & forme particuliere en leurs propres substances, conformément à la toute puissance & volonté diuine, qui les rendit ainsi des le premier instant & le commencement de l'admirable creation du monde.

Tous les metaux aussi mis au rang des choses créées tiennēt leur origine de la terre, mere des Elemēs & nourrice de toutes choses, cōme ia cy dessus l'auons nous déclaré, avec vne matiere propre & indiuidue, deriuee quāt & quant des quatre proprietéz

des Elemens, par l'influente concurrence de la force des metaux & les conionctions de la constellation des planetes. Aristote au 4. de ses Metheores, est bien de mesme opinion, quand il maintient & diët, Que le vif argent est bien vne matiere commune de tous les metaux, mais que la nature ramasse premieremēt & vnit ensemble les matieres des quatre Elemēs seuls, pour apres en composer vn corps suyuant l'effect & la proprieté de la matiere, que les Philosophes nomment Mercure ou argent vif, nō commun ou faict par operatiō naturelle, ains ayāt vne forme parfaicte de l'or & de l'argēt, ou plustost deriuant des deux metaux parfaicts. Les Naturalistes curieux de cognoistre l'estat des mineraux en parlent assez clairemēt en leurs liures, sās qu'il soit icy besoin d'en escrire plus au long, sinon que sur cette asseuree & solide

base soit proprement fondé le principe & l'artifice de la pierre des sages, les commencemens de laquelle se retrouuēt dās le centre & le corps parfait de la Nature, qui ne releue d'aucun estre viuāt; & d'elle mesme aussi luy voyons nous emprunter les seuls moyens de sa parfaicte forme & le plus grād contentement de sa finale perfection.

E Vous appelle tous, Mignons de la Nature,
 Je vous appelle tous au doux son de ma voix;
 Venez d'un œil discret iuger de la peinture,
 Que ie vous donne icy telle que ie l'auois.





Si meilleure elle estoit (meilleure ne peut estre
 L'entreprise d'autrui) vous l'aurez de bon cœur:
 Qu'un Theatre d'Amour face ce ieu parestre,
 Sugçant modestement les fleurs de mon humeur.

Vous y pourrez cueillir dans la vigne doree
 De mon sacré verger, quelque grain de verjus:
 Mais si de longue main la treille est preparee,
 Ces aigreurs s'en iront & ne reuiendront plus.



Je n'empeschera y pas le monde de mesdire,
 Plus tost veux-je pres d'eux cette cause enoquer:
 Je les prens pour tesmoins que ie ne veux rien dire,
 Qui ne soit d'un bon goust, & non les prouoquer.


Quiconque fera mieux il faut qu'il le public,
 Et donne ce Thresor à la posterité:
 Mais la discretion ne dict pas qu'il s'allie
 D'un vice medisant plein de temerité.

Le reprendre est aysé, le mieux est difficile,
 Et tousiours le Censeur tient quelque passion:
 Mais tout considéré, qu'ils mordent file à file,
 Ferme ie parestray de bonne intention.











DE

L'ORIGINE DE

LA PIERRE DES SAGES,

ET COMME AVEC ARTIFICE

elle peut estre reduite à

la perfection.

TRAITE' PREMIER.

CETTE Pierre des Sages tire les purs Elemens de son essence par la voye asseuree d'une nature fondamétaire, en laquelle elle s'amande, suiuant ce qu'en rapporte Hali, quād il dict, Que ceste Pierre s'influe & s'imbibe entierement sur des choses croissantes & profondes, se congelinant, congelant & resoluant sur la

B

Nature, qui rend cette chose meilleure, plus parfaicte & de plus d'efficace, selon leur ordre & le tēps ordonné. Sur la voye & le modelle d'un tel artifice il faut qu'un chacū s'applique, & se repose sur ces principes naturels s'il desire recevoir secours & aide en sō operatiō par l'art de la Nature, qui se maintient si lōg temps & se preserve soy mesme iusques à ce que par son art naturel le temps vienne à parfaire la droicte forme de son intētion. Or cet artifice n'est autre chose qu'une seule operation & parfaicte preparatiō des matieres, que la Nature sage & prouidēte en la mixtion de cet œuure a faicte: à quoy conuient aussi la mediocre proportion & mesure assuree de cette operation avec un iugement meur & prudence considerée. Car cōbien que l'art se puisse attribuer le Soleil & la Lune deuāt un nouveau commencement pour faire

cōme l'or, si n'est il necessaire que de l'art du secret naturel des matieres minerales, & sçauoir comme ils ont aux entrailles de la terre, le fondemēt de leurs premiers principes : mais il est trescertai que l'art obserue vne autre voye que non pas la Nature, ayant à cet effect vne toute autre & diuerse operation. Il conuiēt aussi puis apres que cet artifice prouenāt des precedtes naturelles racines au commencement de la Nature produise choses exquises, que la Nature ne sçauroit iamais d'elle mesme procreer : car il est vray qu'il n'est pas en sa puissance de pouuoir engendrer les choses de soy par lesquelles les metaux de la nature viennent à se procreer presque comme imparfaicts, & qui ce neantmoins incontinent apres & cōme en moins de rien peuuent estre parfaicts, par les rares secrets de l'artiste ingenieux : ce qui prouient de la matiere tēporel-

le de la Nature, & qui sert à l'artifice des hommes lors qu'elle les soulage de ses libres moyës; puis de nouveau l'artifice luy ayde par son operation tēporelle, mais de façõ que cette forme accomplie puisse puis apres correspondre & se rendre conuenable aux premieres intétions de la Nature & à la derniere perfection de ses desseins. Et quoy qu'avec grand artifice cela se doive faire, que la Pierre cy dessus mentionnee retourne au propre poinct de sa premiere forme, l'estre de laquelle elle puise des thresors de la Nature, aussi que toutes formes substantielles de chasque chose croissent de deux façons diuerfes, brutallement ou par metaux; si est ce qu'elles prouiennēt toutes d'une puissance interieure de la matiere, horsmis l'ame de l'hóme qui n'est aucunement tenuë & ne releue point, cōme les autres choses, de cette sub-

missiō terrestre & tēporelle. Mais prēs bien garde aussi que la forme substātielle ne se rapporte pas & ne peut condescendre à la matiere, n'estoit qu'elle se fist par vne certaine operation de quelque forme accidentaire: non toutefois que cela arriue de sa force particuliere, mais bien plustost de quelqu'autre substāce operatiue, cōme est le feu ou autre sēblable chaleur y respondāt à peu pres, parfaicte-ment adioincte, qui y doit operer.

Nous prendrons la similitude d'un œuf de poule, pour nous mieux expliquer & rēdre nōstre proposition plus intelligible, auquel existe la forme substātielle de putrefaction sans la forme accidentelle, sçauoir est vne mixtion de rouge & de blanc, par la force particuliere d'une chaleur interne & naturelle qui opere en cet œuf, quant est des poulles couuātes: Mais cōbien que cet œuf soit la ma-

tiere de la poulle, la forme toutefois n'y est point substantiellement ou accidentellement comprise, ains en puissance seulement, car la putrefaction qui est principe de toute generation, s'engendre avec l'ayde & par le moyen de la chaleur. *Calor agens in humido efficit primo nigredinē, & in sicco albedinē.*

Tout de mēme en est-il de la matiere naturelle de la Pierre sus mentionnee, en laquelle n'existe point la forme substantielle ny accidentelle sans la putrefaction ou decoction, qui la rendent en puissance ce qu'elle est par apres en effect. Reste maintenant d'entendre & dōner à cognoistre quelle habitude peut auoir ceste putrefaction si necessaire aux creations & d'où principalement elle tire son origine.

La pourriture ou putrefaction s'engendre quelquefois par vne chaleur exterieure, conseruee en certain lieu

de sa nature chaloureux, ou de l'ardeur laquelle est attirée de quelque moyen rendant humidité. Cette Putrefaction se fait semblablement d'une froidure superflue, lors que la chaleur naturelle vient à deperir & se disperser, debilter & corrompre d'une froidure sur-abondante, ce qui est proprement priuatiō, car chaque chose s'abstient de la chaleur naturelle, & se fait asseurement une telle pourriture en choses froides & humides. Les Philosophes ne traitent aucunement de cette putrefaction, mais bien de pourriture, qui n'est autre chose qu'humidité ou siccité, par le moyen desquelles toutes choses seches viennent à se resoudre, joignant le feu avec l'eau, comme dit le Treuisan, pour rentrer de rechef & reprendre leur premier estre, sur ce qu'ils pretendent puis apres selon le propre de leur nature arrester la perfection

de leur finale forme.


En cette pourriture l'humidité se reünit avec vne siccité, non toutefois tellement aride que la partie humide ne conserue pesse-messe celle qui est seche quant & soy, & pourtant est-ce proprement vne compression des esprits ou certaine congelation des matieres. Mais lors que l'humide vient à se des-unir & faire entiere separation du sec, il faut aussi tost distraire la plus seche partie & la reduire en cendres. Ainsi les Philosophes entendent que leur pourriture, siccité, diruption ou dissolution & calcination se facent en sorte, que l'humide & le sec naturel se viennent à rejoindre, dissoudre & reünir ensemble par vne abondance d'humidité & de siccité, & par vne esgale proportion de temperature; à ce que plus facilement les choses superflües & corruptibles s'euaporent & soient ri-

rées dehors comme vapeurs inutiles
& excrements fuligineux : Ne plus
ne moins que la viande prise dans l'e-
stomach s'assimile proprement & se
conuertit en la mesme substance de
la nature alimentee, lors qu'elle y est
par vne digestiue & louable coction
assaisonnée, & que de la preparation
& digestion faicte au ventricule elle
attire vne certaine vertu substâtielle
& humidité conuenable : Or par le
moyen de cet humide radical la na-
ture est conseruee & augmentee,
leurs parties fuligineuses superflues
& sur-abondantes comme vn soul-
phre corrompu, rejettees d'ycelles.
Mais il faut remarquer que chacu-
ne desdites parties veut estre ali-
mentee selon le propre de sa nature,
en laquelle elle s'esioit & desire de
demeurer & conseruer son indiuidu
en ses mesmes especes. Ce que nous
deuons aussi bien entendre de la

Pierre des Sages comme du Corps humain, qui change en pureté de sa substance, les formes inferieures & de differente condition, par le moyen de ce feu naturel & temperé, qui est le vray gouverneur & la seule conduite de nostre grand vaisseau, *minor ignis omnia terit.* C'est le pilote & l'humide radical où les natures diuerses vivent paisiblement, où plusieurs contraires qualitez & differends discords composent des accords d'harmonie, assemblez par l'industrie d'une concoction necessaire & d'une chaleur humide, lesquels agissent d'une esgale proportion sur ces Corps metalliques.

Le Corps deguise tout en sa propre nature,
Ce qu'on luy veut donner luy sert de nourriture:
Nostre œuvre en faiët ainsi des metaux imparfaicts,
Quelle esgale à l'esgal de ses Rois plus parfaicts.

SECOND TRAICTÉ REPRESENTANT
l'Oeuvre des Philosophes par le moyen
de deux figures.

L faut sçauoir, dict
Morien, que nostre
operation & l'Art
dont nous desirons
traicter presentemēt,
se diuisent en deux principales do-
ctrines, les extremittez & les moyens

desquelles s'attachent estroitement, s'adherant tellement l'une à l'autre & d'une telle & reciproque entre-suite, que la fin immediate de la premiere s'allie d'une indiuisible chaisnon, au commencement de la posterieure, & s'entre-succedent mutuellement l'un l'autre, la derniere estant amiablement prouoquee à l'imitatiō des mesmes actions qu'elle a peu remarquer & attentiuement considerer au precedent modelle de celle qui l'a deuancee de quelque espace de temps; & lors tout le magistere est entierement faict & parfait, mais elles ne se peuuent pas accommoder en autre corps qu'en leur propre matiere. Or pour mieux conceuoir cecy, & plus asseurement, il est necessaire de remarquer en premier lieu, que la Nature, selon Geber, sort de la premiere essence des metaux composez de Mer-

cure & de Soulfhre : laquelle opinion est fuiuite de l'authorité de Serarius en la question de l'Alchimie & 25. chap. à sçauoir que la Nature procede de la source & pure essence des metaux naturels, laquelle prend au feu vne eau de putrefactiō, qu'elle mesle avec vne pierre fort blanche & subtile, la reduisant & resoudant comme en bouillon & certaines vapeurs esleuees dans les veines de la terre, qu'elle bat à force de mouuement continuel pour la faire cuire & se vaporiser ensemble avec humidité & pareille siccité, qui se reünissent & coagulent de sorte qu'il s'en produit certaine substance que nous appellons communément Mercure ou Argent vif, lequel n'est autre chose que la source & premiere matiere des metaux, cōme si deuant l'auōs nous déjà dit. Et pource le mesme authour certifie encor au 26. chapit. que ceux

la qui veulent en tant qu'il est loisible & possible, suyure la Nature, ne doiuent pas s'ayder de vif argent seulement, mais de vif argent & de soulfre tout enséble, lesquels encor ne faut il pas mesler seulement, mais aussi preparer quant & quant & assaisonner avec prudence ce que la Nature a produit & reduit en perpetuelle confluence. Or est-il qu'avec telle sorte de vif argent, la Nature commence sa premiere operation, & la finit par le naturel des metaux, d'esquels elle s'est contentee pour l'entiere perfection de son œuvre, car elle a paracheué ce qui estoit de son deuoir & tout concedé à l'artifice, afin de pouuoir accomplir son intention à parfaire la Pierre des Philosophes & la former entierement de son dernier periode & lustre plus parfait: aussi de faict est il certain que nous cômèçons l'œuvre sur les lieux où la Nature

re a mis son but & la derniere gloire de son ambition. Tous les Philosophes tiennēt le vray principe de leur operation de la derniere fin du soleil des metaux, & confessent tous librement que celuy qui pretend quelque chose à la cognoissance de cet œuvre, ou qui parfaictement desire proceder au comble de cet art naturel, le doit absolument & sans scrupule commencer par la fin & cessation de la Nature, & cū en fin elle se repose ayant acquis la perfection de ses pretensions, se desistant sur la iouissance finale de ses actions ordinaires. Il faut donc prendre ce Soulfhre & ce vif argent que la Nature aura reduit au nombre d'une tres-pure & tres-nette forme, estant accomplie & doüee d'une reünion si subtile, qu'aucun autre ne la scauroit si naïvement preparer, quelque artifice qu'il y apporte, quoy que la Na-

ture, cōme dict est, possède finalement cette matiere par la generation formelle des metaux. Or cette matiere ainsi informee par la Nature, conduira l'ouurier à la perfection de son poinct, & l'artifice par ce moyen réussira au port du salut de ses desseins, par la force qu'elle reçoit proprement imbibee & appliquee en telle matiere; à laquelle les Alchimistes adioustēt le Sol pour le faire dissoudre & distinguer des Elemēs, iusques à ce qu'il ayt acquis vne nature subtile & spirituelle, à la pureté des vifs argēts & en la nature des soulpbres : si bien que celle la donc est la plus proche matiere, & qui retire le plus par sa proximité & voisinance avec l'Or, pour recevoir la pure forme de cette Pierre occulte, laquelle matiere nous appellōs *Mercurius Philosophorum*, puis que les deux susdicts sōt ioinctz & estroitement alliez l'vn à l'autre. L'opinion

nion d'Aristote ne repugne point à cette cy, ains luy est du tout conforme par l'aduis qu'il en donnoit au Grand Alexandre. Voulez vous, luy dict-il, adiouster l'or avec les autres choses precieuses, dōt les Roys sont ordinairement parez & richement couronnez, au merite de nostre Pierre ? ie vous aduertis que ce Mercure est la matiere seule & chose vnique à parfaire nostre science, iacoit que le moyen de l'Operation soit enueloppé de tant de nœuds & de diuersitez, que bien peu de personnes se peuent assurer d'auoir vn sauf-conduit de nostre Roy pour atteindre le Centre de ce Labyrinthe tortu par le fauorable filet d'vne douce Ariadne. Or cette obscure diuersité ombragee de mille chemins ambigus, & voilee d'vne infinité de nuages espais, est vn vray coup de la main des Philo-

sophes & tout exprez sagement
desguisée: ainsi le tiennent Rosin, le
Comte de Treuise, & tous les au-
tres vnanimement, afin que cha-
cun par la facilité de l'Oeuure ne
paruienne indifferemment à cette
supreme marche, & ne vienne à
mespriser vn si precieux ioyau, l'a-
yant si facilement acquis, & com-
me sans peine atteint au perio-
de honorable de nostre Oeuure
parfaict sur tous les autres œu-
ures, que nous appellons à cet ef-
fect vne Collection, à cause de la
multitude mise ensemble, & vne
ferme representation de toutes les
choses que comprend la Nature.
C'est pourquoy parlent ainsi les
Philosophes. [Faiçtes sublimer ce
qui en peut rester, puis estant disti-
lé & communiqué, faiçtes encore
qu'il monte & descende, le desse-
chant par dehors & par dedans] &

autres doctrines infinies entrelas-
sees de mesmes ambages & figures
Amphibologiques, qui doiuent
route fois estre toutes ensemble, &
par conionction suyuiues & abso-
lument accomplies pour recueillir
en fin le fruit Nectareen de nostre
moisson doree: encore qu'il semble
qu'Alphidius s'y vueille aucune-
ment opposer, en ces termes. [Il
faut scauoir que quand nous sou-
dons & congelons, nous sublimons
aussi & alchymisons sans intermis-
sion de temps, conioignans par ce
moyē & purifians nostre Oeuure.]
Et plus clairement encore en ce
qui s'uyt. [Quand nostre Corps sera
iectté dans l'eau & qu'il viendra à e-
stre rachepié, il sera incontinent
pourry, noir, ombrageux & ob-
scurcy, puis il s'esuanoüira & deuiē-
dra comme de la chaux qui se su-
blime & exalte tost apres] estât ainsi

sublimé & dissout avec l'esprit il se purifie, lequel est vn principe & origine tresdigne d'estre comparee à toutes les choses de l'vniuers, qui ayent vie, ou ame, esprit ou non, soit és mineraux viuâs & naissans, és Elements & à leurs compositions, aux choses froides & chaudes, aux oyseaux ; & sommairement tout ce qui peut estre produit de la Terre iusqu'au Ciel, est contenu & coopere en puissance à nostre Art. Ces deux doctrines cy dessus mentionnees signifient selon les Philosophes, cette femme noire & obscure, qui sert de clef à toute l'œuure, & qui doit dominer en la force de nostre Pierre, scauoir en la noirceur, base assisee de tout le fondement ; ou cet homme qui est la forme de nostre matiere, laquelle nous comparons fort à propos au Soleil. Cecy soit assez dit pour vn cōmencement


de la premiere doctrine de cet Art.

FIGVRE DEVXIESME

DECLARATION DE L'OEUVRE, comme il y faut proceder iusques à sa finale perfection, par plusieurs Similitudes, figures, colloques & interpretations des Philosophes.

FIGVRE TROISIESME.

TROISIEME TRAICTE
dudict Oeuvre.

 E grád Genie de nostre
Sience & pere de la plus
haute & rare philoso-
phie Hermes, s'esleuant
en soy mesme, & entretenant son
esprit sur l'operation de l'œuure
des Philosophes, esclost en fin ces
paroles. [Cecy peut estre dict côme
vne fin du monde, en ce que le ciel
& la terre produisent bien ensem-
ble, mais personne ne peut par le
ciel & la terre cognoistre nos deux
doctrines precedentes, voilees de
tât d'Hieroglyphes.] Plusieurs aus-
si paruenus au labour y ont beau-
côp sué deuant que d'attrapper
cette perfection, laquelle ayans at-
teinte, ils expliquent apres, mais
auec plus d'ambiguité amphibolo-
giques, & tellement confuses
qu'on ne les peut comprendre, par


leurs figures & similitudes ombra-
gees, & trop obscures pour ceux
qui pésent suivre leurs pas, embras-
sans curieux cette mesme fortune,
pour estre couronnez d'une sem-
blable palme, puis qu'ils veulent
aussi courir vne pareille risque.

La premiere similitude nous de-
monstre que Dieu par sa toute-puif-
sance & l'infini de sa bonté, a créé
la terre toute esgale, grasse & fecon-
de, sans arenes, sans pierres, sans
montagnes, sans valles, par l'in-
fluence des astres & operation de
la Nature, & neantmoins nous
voyons maintenant qu'elle ne re-
tient rien de cet antique lustre, ains
tellement desfiguree de sa perfe-
ction qu'à peine la peut on plus co-
gnoistre de ce qu'elle souloit estre,
changee en diuerses formes & figu-
res exterieurement, de pierres for-
tes, hautes montagnes & profon-

des vallees interieurement, de choses terribles & de couleurs comme l'airain & les autres metaux. Quoy que toutes ces choses confuses & diuerses se trouuent à present au corps de cettē terre, si prouient elle entierement de sa premiere forme, lors que de treslarge, grosse, profonde & longue qu'elle estoit au parauant, elle est reduicte en vn grand & vaste espace par la continue operation du Soleil, & que la chaleur s'y est tousiours conseruee vehemente, ardente & vaporeuse, se meslant confusement iusques au fond de ceste grosse masse avec la froideur & l'humiditē qu'elle enferme en son corps, dont s'esleuent quelquesfois des vapeurs froides, nebuleuses & aëriennes, qui naissent de la mixtion de ces deux regimens cōtraires, de laquelle renfermees & arrestees dans la terre plusieurs au-



tres vapeurs consecutiues naissent par la longueur du temps, tellement fortes sur la fin, qu'elle est souuent contraincte de leur faire voye pour les laisser exhaler par l'ouuerture de son ventre, leur donnant malgré soy libre passage, lors qu'elle eust bien desiré les pouuoir retenir dās les naturels cachots de ses plus profondes cauernes, où plusieurs à la longue se retrouuant ensemble pesse messe, faisoient tātost ammō-celer plusieurs parties de terre en vn lieu par la force assemblee de ses exhalaisons, & plusieurs autres en autres lieux. Mais comme les montagnes & les valles ont esté reduites à leur certaine fin, là principalement se retrouve aussi la terre au meilleur point temperé des quatre qualitez, chaleur, froideur, humidité & decoction desseichee, bouillie, ou aucunement diminuee; or



en ces endroiets void-on l'airain le meilleur & le plus pur. Pour cette raison il est aisé à croire qu'és lieux où la Terre est applanie, il n'y a poit si grande quantité de vapeurs, ny tant d'exhalaisons sulphurees, ce qui la tient plus calme & en repos. Celle qui est grasse, fangeuse, & où l'humidité d'en-haut se retire vers le bas & au dedás, deuiét plus tédre & molle, se chégeant en vne blácheur extremesme, au moyé principalement d'une siccité causee par la chaleur du Soleil, qui la réd plus forte, plus cuite & plus endurcie apres longue espace de téps. Mais vne terre corruptible, frangible, sablonneuse, & qui encor aucunement tendre se pend piece à piece comme grappes de raisins, est ordinairement plus maigre, & par consequent ayant moins de nourriture pour l'entretien de sa substance, est plus tardiue

& a receu trop peu d'humidité, ou de vigueur alimenteuse, ce qui la rēd beaucoup plus difficile à cuire, ne s'entretenant que comme par forme de rouleaux ou autre matiere mal adancee. Or cette Terre ne se peut aisement reduire en pierre, si elle n'est extremement vaporeuse & remplie de grande humidité: mais il est bien necessaire qu'avec le dessechement des eaux qui prouiet des ardeurs vehementes & continuelles chaleurs du Soleil, l'humidité de la Terre s'y maintienne tousiours: autrement cette Terre demeureroit comme morte & corruptible, & se desferoit aisement par morceaux. Ce qui toutefois n'a pas encor esté en icelle endurci du tout & parfaict peut à la longue deuenir & se reduire en dure & forte pierre par l'operation continuelle de la Nature assistee de la chaleur du So-

leil & longue decoction continuelle & sans intermission. Ainsi des fumées & des vapeurs susdites renfermées dans les pores de la Terre, lors qu'elles viennent à se joindre aux vapeurs aquatiques avec la substance de quelque terre fort subtile, digérée & bien purifiée par la vertu & influence du Soleil, des autres planètes, & de tous les Elemens ensemble, se peut reduire & mettre en œuvre le vif argent des Philosophes: mais d'autant qu'il pourroit retirer de quelque durté subtile & flamboyante, l'on se peut bien servir du soulfre des Philosophes, de la force & energie duquel conclud fort bien ce grand Hermes, quand il dit que la vertu sera reçue des supérieures & inférieures planètes, & qu'avec sa force, il surpasse & penetre toute autre force, mesmes jusques aux pierres précieuses.

FIGVRE QVATRIESME.

L'AVTRE SIMILITVDE.

HErmes le plus grád Ouvrier &
 le premier maistre de cet Art,
 dit que l'eau de l'air, qui est entre le
 Ciel & la Terre, est la vie de chas-
 que chose, car par le moyen de ces
 deux particulieres & naturelles qua-

litez, chaud & humide, il vnit ces deux Elemens contraires, l'Eau & le Feu, comme vn milieu necessaire pour accorder ces deux extremitez. Et le Ciel cōmence à s'esclaircir aussi tost sur la Terre, que cette eau s'est infuse d'en-haut luy seruant de semence feconde introduite dans le col de son ventre, dont elle a congeu vne douceur cōme de miel, & vne humidité certaine, qui luy font produire diuersité de couleurs & de fruits, d'où s'est esleué encor & creu cōme par succession de lignee dans les vestiges de leurs secretes voyes, vn arbre de hauteur & grosseur admirable avec vn tronc argentin, qui s'estend amplement & largement par les places, & les quantons du monde. Sur les branches de cet arbre se reposoient diuerses sortes d'oyseaux, qui s'enuolèrent tous vers le iour, puis y apparurent des

Corneilles en abondance , infinité d'autres & rares proprietez encors y retrouuoient , car il portoit beaucoup de sortes de fruiçts , dont les premiers estoient comme graines menuës , & l'autre est appelée de tous les Philosophes *terra foliata* , la troisième estoit d'or le plus pur, entremeslé de force fruiçts qu'on nomme de santé, reschaufant ce qui est froid, refroidissant ce qui est chaud, & ce qui a contracté par vne intemperie extraordinaire quelque chaleur excessiue, rendant le sec humide , & l'humidité seche amolissant ce qui est dur, & raffermissant ce qui est mol. Or toutes ces conuersions de contraires essences sont les plus asseurez pilotis de l'esperance de nostre Oeuure, *nostra operatio est naturarum mutatio*, disent ils communement.

Faire le corps esprit & l'esprit rendre Corps,
 Les vijs faire mourir & reuiuere les morts,
 C'est

C'est la Pierre d'Aymât, le cercle parfait où repose à garâd le poinct du magistère, & le commencement de la fin pretendue de tout nostre artifice. Cette maxime est vrâie, que l'assurance d'un bon principe ne sert pas peu à consoler les esprits assurez, qui s'embarquêt neâtmoins en crainte de ne pouuoir surgir au havre de salut d'une bonne espérance, se voyant assaillis de tant de durs escueils qu'ils font le plus souuêt abandonner la prise aux meilleurs Nautôniers. Si toutesfois nous enuifageôs quelque doux Alcyon au milieu de nostre Tourmente, nous nous assurons au moins d'estre encore demeurez en la vraye route de nos intentions, & par ce bon augure nous commençons à recognoistre *ex vngue leonem*, le Lyon à la patte, côme l'on dit, respirans soubs le dur faix de nos plus grands trauaux ga-

yemēt surmontez par l'esperance & l'aspect assuré d'un bon heureux & favorable commencement.

Dimidium facti qui bene cepit habet.

La clef noire des mutations reciproques de ces diuerſes formes, ouure le Cabinet des ſecrets naturels, pour ſöder la douceur & la maturité du fruit de l'Isle Colchique, que gardēt le Dragon, & le Lyon deuorant, comparez à la poursuite de nostre Oeuure.

*Pour atteindre le but de nostre Sacrifice,
Il faut par eschelons entre-suiure la lice,
S'aduançant peu à peu.*

Salienus parle suffisamment de la variété & difference de ce fruit, nous faisant assez ample mention d'une Herbe qu'il nomme en suite de plusieurs, *Lunatica*, d'une tige toute autre que les communes, & qui tire sa racine d'un metal terrien, rougissante en partie, mais enuironnee d'une noire couleur, ou propremēt

tachetee , facile toute fois à se cor-
rompre & se desfigurer, cōme vou-
lant adandōner ses forces ordinaires
pour renaistre bien plus belle & plus
parfaicte , au renouveau de ses plus
riches fleurs venues à iuste terme, la-
quelle septāte deux heures apres se
rencontrant soubs l'angle de Mer-
cure , se change au blanc parfaict
d'une tres-pure Lune , & conuertie
derechef, se laissāt bouillir quelque
peu plus long temps par decoctiō,
en Or de tel alloy qu'il change en sa
nature la Centiesme partie de Mer-
cure ; mais or bien plus parfaict que
ne le peut produire la force de la
Terre dās ses minieres metalliques.
Virgile en dict autāt au sixiesme de
ses *Æneides*, parlāt d'un Arbre aux
rameaux d'Or qu'il faiēt récontrer à
son Prince Troyē durāt ses longues
nauigatiōs; arbre de telle excellen-
ce qu'il ne mouroit iamais, qu'un

autre en renaissant continuellẽ
de luy, & succedant au premier par
la multiplicatiõ de foy mesme ainfi
qu'vn autre Phénix, ne rentraft en
son lieu.

Figure 5.

Auicenne traictant de l'humidité & de to^s ses effects, dit que l'on aperçoit en premier lieu quelque noirceur, lors que la chaleur faict son operation sur quelques corps humides. C'est pourquoy les Anciens Sages s'asautremēt deuelopper l'ambiguité de leurs figures ænigmatiques, disēt auoir aduisé de loin vn broüillard qui s'esleuoit, enuironnant toute la terre & la rendant humide; ils disent aussi auoir preueu la grande impetuosité de la mer & le concours abundant des eaux nageantes sur toute la face de la terre, de telle sorte que la forme & la matiere destituées de leur force premiere & remplies de putrefactiō, se verront parmy les tenebres mesmes esbranler iusqu'au Roy de la Terre, qu'ils entēdrōt ainsi crier & lamēter d'vne voix pitoyable & pleine de

compassion. Celuy qui me rachet-
tera de la seruitude de cette Cor-
ruptiō, doit viure avec moy à perpe-
tuité tres-content, & regner glori-
eux en clarté & brillante lumiere par
dessus mon siege Royal, surpassant
mesme & de prix & d'honneur le pre-
cieux esclat de mon Sceptre doré.
Le bandeau de la nuit mit fin à sa
cōplainte par vn charmeux sōmeil,
mais sur le poinct du iour on vid
sortir par dessus la persōne du Roy
vne Estoille tres-replandissante, & la
lumiere du iour illumina les tene-
bres, le Soleil paroissāt radieux entre
les nuës ornees & embellies de di-
uerfes couleurs: les estoilles brillātes
penetroient, d'vne odeur tres-odo-
riferante qui surpassoit toute sorte
de baufme, & prouenoit de la terre
vne belle clarté reluisante de rayōs
esclatans; tout ce qui peut en fin ser-
uir de contentemēt ou de plaisir a-

greable à vn grād Roy qui se veut
delecter aux rares nouveautez. Le
Soleil aux rays d'or & la Lune argen-
tine entourās cette excellēte Beau-
té se faisoient admirer de plusieurs
spectateurs, & ce Roy rauy en la cō-
templatiō d'vn doux ressentimēt fit
trois belles & magnifiques Courō-
nes, dont il orna le chef de cette
grande Beauté, l'vne desquelles e-
stoit de Fer, l'autre d'Argent, & la
troisiēme d'Or: puis on voyoit en
sa main droiēte vn Soleil, & sept
Estoilles à l'entour qui y rendoient
vne tres-claire lueur; sa main sene-
stre tenoit vne pomme d'Or, sur
laquelle reposoit vn pigeon blanc,
que la Nature estincellante vint en-
cor embellir d'Argent, & decorer
ses ailles d'Or.

Aristote dict que la Corruption
d'vne chose est la vie & la renoua-
tion d'vne autre: ce qui se peut en-

tédre sur l'Art de nostre Magistère
& preparatiō des humiditez corru-
ptibles, renouuelles par cette sub-
stance humide, pour aspirer tous-
iours à plus de perfection, & à la
cōtinuation d'une plus longue vie.

Figure 6. & 7.

Quatriesme Similitude.

Enaldus demonstre
euidemmēt la neces-
sité & estroicte com-
municatiō qu'ont les
choses viues avec les
mortes, en ces mots.

Je veux, dictil, & entends que tous
ceux qui s'addonnent à nostre E-
stude serietuse, & qui desirent en-
suiure absolument le mesme ordre
& la piste que nous y auōs tenue &
deümmēt obseruée à nostre cōtente-
ment, facēt en sorte que les choses
spirituelles se corporalisent, & que
les corporelles se spiritualisent aussi
par vne reciproque conuersion &
dissipation de leurs premieres
formes, afin d'en acquerir vne plus
excellente, se releuant de cette
mort, qui est la putrefaction, beau-
coup plus glorieux qu'au paraduāt

par vne legere & seule decoction.

Plusieurs autres des meilleurs Philosophes, vnanimement en cette proposition, nous payent tous de ces ou semblables paroles, *solue & gela, dissous & congele, ou du,*

*Si fixum soluas faciasque volatile fixum,
Et volucrem figas, faciet te viuere tutum.*

dict la Fontaine des Amoureux.

*Rends la terre legere, & donne poids au feu,
Si tu Veus rencontrer ce qu'on rencontre peu.*

Comme ia cy dessus nous l'auons remonstree en diuers endroits: imitant encor en cecy Senior qui nous cōue ainsi que font tous les autres, aux muances necessaires des matieres contraires. [L'Esprit, dict il, deliure le corps, & par cette deliurance l'ame se tire hors des corps, puis on reduit ces memes corps en l'ame: l'ame donc se chage en vn esprit, & l'esprit de nouueau se fait corps.]

Cars'il demeure ferme au corps, &
qu'il rende de nouveau les corps
de foy terrestres, massifs & grossiers,
spirituels par la force de ces esprits,
c'est le but de nostre Oeuure: que
si le mesme n'arriue à ces corps me-
talliques, qu'ils ne perdent leur pre-
mier & naturel estre, pour reprêdre
plus de lustre & de perfection en
nostre Ouurage, la premiere ma-
tiere destruicte en introduisant vne
autre par generation, c'est en vain
travailler, & dissiper ses veilles & son
huile pour abbayer apres le vent.

VN hōme infortuné, descheu
 des doux zephyrs de sō bon-
 heur, & r'enuoyé aux cruels suppli-
 ces d'un Cloacque tref-ord, paroif-
 soit aussy noir qu'un More confir-

mé, palpitant en son mal, & hors de son haleine, pour les rudes efforts qu'il emprunte de soy mesme, n'espargnant rien de ses forces qu'il ne les employe au salut de sa vie, & à la deliurance de son corps relegué aux infâictes prisôs de ce bournier fangeux & plein d'immondicitez: mais sa trop foible puiffâce ne pouvant seconder le vœu de ses desirs pour sortir de ce lieu, & se voyant en vain auoir importuné le Ciel de cris, & l'aide de son industrie pour se deuelopper d'un si vilain cachot, il eut tout le loisir d'attendre en sa misere le dernier coup d'une cruelle mort, sans mendier plus auant le secours favorable de quelque ame beneuole pleine de Charité, pour l'attirer à la pitoyable compassiôn de son piteux desordre: aussy se pouuoit-il bien resoudre, quoy que par force, à finir tristement l'abregé de

ses iours funestement talonnez des plus sombres malheurs de cet immonde & tenebreux Esgout, puis que chacú se rédoit sourd aus abois de sa Complainte, monstrant en son endroit vn cœur plus endurcy & plein de felonnie, que n'eust pas faiçt vn Rocher insensible.

*D'un desiré salut l'Esperance estant vaine,
Sõ but n'aspire plus qu'à la Parque inhumaine,
Lors que tout à propos Vne ieune Beauté,
Suruint à son secours pleine d'humanité.*

Cette Dame estoit belle par excellence & de corps & de face, enrichie de superbes habits de diuerses couleurs, ayât de belles plumes blâches mais bigarreescôme celles d'un Paõ qui s'estendoiet esgalement sur son dos, à la mercy d'un vent benin & zephyre fauorable, les aislerons en estoient d'Or entrelassez de belles petites graines. Sur son chef bien

ajancé elle auoit vne tres-belle couronne d'Or, & sur icelle vne estoille d'Argent; à l'entour de son col elle portoit vn Carcan d'Or, dans lequel estoit richement enchassé vn precieux Rubis d'excellent artifice, le plus iuste prix & la valeur duquel n'eust pas sceu payer le plus grand reuenu de quelque puissant Roy: Elle auoit aussi des soulliers dorez aux pieds, & d'elle s'espandoit vne soüefue & tres-odoriferâte odeur. Tout d'abord qu'elle apperceut ce pauvre desolé, d'une Contenance gaye & d'un ioyeux aspect, elle luy tend la main, & le releue de son extreme foiblesse, ia tellement destitué de ses premieres forces, qu'il ne se pouuoit plus supporter, ny garantir son corps pusillanime, desias tant la terre: au peril eminent du salut de sa vie il n'entend & n'attéd'pl^r rié d'asseuré que le vray Rebus des

malheur miserables,

————— *nullam sperare salutem.*

Ce qu'estât recognu aux actiōs imbecilles de nostre langoureux, cette Dame s'aduanee esmeuë de cōpassion, & le retirant benignement d'vne telle infection, elle le nettoye pur & net, luy faiēt present d'un bel habit de pourpre, & l'emmeine iusqu'au Ciel avec elle. Senior en parle tout de mesme traitāt de ce subiect, voire encore en termes bien plus clairs. [Il y a, dict-il, vne chose viuāte qui n'est plus mortelle, ayant vne fois esté confirmee & assuree de sa vie par vne eternelle & continuë multiplication.

Figure 8.

Cinquiesme Similitude.



Es philosophes pourné
laisser rien en arriere de
ce qu'ils doiuent hon-
nestemēt descouurir de

E

cet art, luy attribuent deux corps, ſçauoir eſt le Soleil & la Lune, qu'ils diſent eſtre la Terre & l'Eau. Ces deux corps s'appellent auſſi homme & femme, leſquels engendrēt quatre enfans, deux petits hommes qu'ils nomment la chaleur & froideur, & deux petites femmes ſignifiees par le ſec & l'humide: de ces quatre qualitez, il en ſort vne cinquieme ſubſtance, qui eſt la Magneſie blanche, laquelle ne porte aucune ride de fauſſetē ſur le front. Et Senior pourſuiuant plus au long cette meſme figure la conclud en cette ſorte. [Quand, diēt il, les cinq ſont assemblez enſemble & viennent à eſtre vne meſme choſe, la pierre naturelle ſe faiēt lors de toutes ces mixtions egales, qu'ō nomme Diane.] Auicenne à ce propos, diēt que ſi nous pouuons paruenir iuſqu'au cinquieme, nous

obtiendrons ce que tous les Auteurs appellét l'Ame du mode. Les Philosophes nous expliquét soubz l'escorce de cette similitude l'essence & le modelle de leur verité par la demonstration d'un Oeuf, pour ce que d'as s'en clos il y a quatre choses assemblees & en s'emble cōioinctes la premiere desquelles est le dessus qui est la coquille, signifiant la terre, & le blanc qui est l'eau; mais la peau qui est entre l'eau & la coquille est l'air qui diuise la terre d'avec l'eau: le iaune est le feu & a vne peau fort delicee tout à l'entour de soy: mais celuy la est l'air le plus subtil, lequel est icy au plus interieur du tres-subtil, car il est plus adherant & plus proche & voisin que n'est le feu, repoussant le feu & l'eau au milieu du iaune qui est cette cīquiesme substance, de laquelle sera formee & engendree la poulette qui

croist par apres. Ainsi sont en vn
oeuf toutes les forces & vigneurs
auec la matiere, de laquelle nature
parfaicte & accomplie vient à estre
espuisee: or est il de mesme neces-
saire que toutes ces choses se re-
trouuent parfaictemēt en nostre
Operation.

Figure 9.

Sixiesme Similitude.



Es discours des plus discrets sont tousiours âbigus, & leurs graues escrits tousiours entre-meslez

E iij

de quelque obscurité, s'entendant si bien tous en ce serment solennel, que leur volonté n'est point mieux exprimée des premiers que des autres. Et c'est mesme pourquoy Rosinus en ce poinct conforme aux Philosophes, n'explique en l'Enigme suyuant l'operatiō de l'Oeuure, que par la face qu'il dict auoir veüe d'une personne morte, mutilée en plusieurs endroits de son corps, & tous les membres d'iceluy diuisez: mais le gros de la masse & le tronc dudit corps qui restoit encore entier paroissoit blanc comme sel, son chef separé des autres parties dudit corps estoit d'un bel or, auprès duquel estoit un homme fort noir, mal composé de ses membres, haure au regard & assez effroyable de veüe, qui se tenoit tout debout, le visage tourné vers ce corps mort,

ayant en sa main droicte vn coute-
las tranchant des deux costez au-
cunement entremeslé de sang, du-
quel comme cruel & de tout tēps
nourry au carnage & à l'effusion
du sang humain il prenoit pour ses
plus grands esbats & pour les plus
voluptueuses delices de ses plaisirs,
le meurtre violent & l'assassin vo-
lontaire, mesme de sang froid de
toutes sortes de personnes. Il mō-
stroit en sa main gauche la forme
d'un bulletin où ces mots estoient
escrits: *Je t'ay meurtry & mis ton
corps en pieces, afin de te beatifier
& te faire reuiure d'une plus lōgue
& plus heureuse vie, que tu n'as res-
senty deuant que la mort eust con-
spiré contre toy par le tranchant
de mon espee; mais ie cacheray ta
reste à ce que les humains ne te
puissent cognoistre, & ne te voyēt
plus au mesme equipage mortel*

que tu estois au parauant, & broüil-
leray ton corps dans vn vase de
Terre où iel'enseueliray, à ce qu'y
estant en peu de temps pourry, il
puisse dauantage multiplier & rap-
porter quârité de meilleurs fruiçts.

Figure 10.

Septiesme Similitude.



ES Oeuures d'un
Ouide poëte tres-
excellent & graue
Philosophe, nous
font assez iuger de

sa capacité & de la grande expérience & vraye cognoissance qu'il auoit des effects merueilleux de nostre Magnesie, nous mettant en aduant la prudente preuoyance de ces vieux Sages, qui sagement curieux du renouueau de leurs iours sur-annez, s'opposoient vertueux par vn antidote souuerain & contrepoisõ de la mort, aux dards enuenimez de ces fieres Eumenides, pestes cruelles de la vie, & de la conservation du genre humain, se faisans volontairement demembrer le corps en maintes & maintes pieces, quel'on faisoit ainsi boüillir, iusques à vne parfaite & suffisante decoction, pour changer la foible consistance de leur aage debile, en l'Estat naturel de force & de vigueur, se faisant en mourant rajeunir plus robustes, & leurs membres espars & mis en tant de pieces, plus

estroitement reioincts & reünis
ensemble.

QUEL EST LE PROPRE DE
*la Nature par lequel elle prend
son operation.*

TRAICTE QUATRIESME.

LE Prince de la Philosophie Peripatetique & grãd inquisiteur des recherches & curiositez naturelles, dict en ce qu'il a traicté de la Generation, que l'homme & la seméce produisent vn autre homme, estât plus que certain que chacun & toutes choses engendrent leurs semblables, par la force animée & secretement particuliere de chasque semence, qui rend toute forme viuante chacune en son essence par plusieurs & diuers moyens, mais principalement par la chaleur operatiue & temperée du

Soleil, sans l'ayde infuse & l'assistā-
ce immediate duquel cette opera-
tion viuifiée n'agiroyt aucun effet.
Les Philosophes aussi reglez sur le
moule parfaict d'une sage Nature,
sont forcez & contraincts de mē-
dier vn secours fauorable à leurs
desseins & en la recherche de leur
Oeuure, à la discretion de quelque
autre support, & d'un ayde em-
prunté.

*Nullle chose i'amaïs fut de tout poinct parfaite
Sans le support d'autrui. & ne se vid biē faite.*
Ainsi le dict la Nature en sa Com-
plainte. *Si tu m'ayde ie t'ayderay.*
Comme tu feras ie feray.

Si l'artiste ne seconde les desseins
de la Nature, quoy qu'elle soit plei-
ne de bonne intention, si ne peut
elle pourtant nous mettre au iour
& faire paroistre la volonté qu'elle
a de soulager les hommes, & les ré-
dre de tout poinct au sommet de

leur perfection: tout nostre artifice
aussi ne peut pas prosperer en ses
recherches vaines, ains demeurer in-
fructueuses & inutiles s'as la faueur
que luy fait la Nature. Ce qui nous
monstre bien qu'ils ont tousiours
besoin d'un entr'ayde l'un l'autre,
& que nostre Art doit regir la cha-
leur avec la Téperature du Soleil,
pour produire cette susdite Pierre:
mais la poursuite & le bon succez
de toutes ces choses doiuent estre
considerees de nos Sages Emula-
teurs en sept diuerfes façons, qui
nous y ouuriront la porte pour nous
introduire benignemēt aux Prole-
gomenes necessaires des parfaictes
Chaleurs.

Figure II.

PREMIEREMENT il y
faut de necessité prati-
quer vne telle Chaleur,
qu'elle puisse attendrir,
amolir & fondre le plus fort de la

terre, cuisant ensemble & le gros & le dur par le feu temperé d'une corruption, qui est le commencement de toute l'Oeuure, confirmé des bons Autheurs. *Si putridum non fuerit, fundi aut solui non poterit, & si solum non fuerit, ad nihilū redigitur*, dict fort bien Morien. Platon, *Nota quod sine corruptione penetratio fieri non potest*, c'est à quoy, dit-il, tu te dois efforcer de paruenir, qu'à la putrefactiō. Apres lesquels le Philosophe dit n'auoir iamais veu animal croistre sans la putrefactiō : & *opus Alchymicum*, poursuit-il, *in Vanum erit nisi antea fuerit putridū*. Parmenides dict aussi la mesme chose. [Si le corps n'est ruiné, demoly, du tout rompu & corrompu par la putrefactiō, cette occulte & secrette vertu de la matiere, ne se pourra tirer dehors, ny se conioindre parfaictement au corps. Le grand Rosaire tient cette opinion de tant de bons Autheurs

tref-assée, la soustenant comme
infaillible par cette figure Meta-
phorique. [Nous tenons pour Ma-
xime veritable, que la Teste de
nostre Art est vn Corbeau, volant
sans ailles en l'obscurité de la nuit
aussi bien qu'en la clarté du iour.]
Mais par quel moyen elle se puisse
faire, Socrate r'en baille vn bon ad-
uis, parlant ainsi des premieres cha-
leurs conuenables à la Corruptiō.
[Les pertuis & les petits trous qui
sont les meates & les pores de la
terre, s'ouurirōt, afin qu'elle recoi-
ue en soy la force & la vigueur tant
du feu que des eaux.]

Figure. 12.]



ECONDEMENT telle
chaleurnous y est neces-
saire par la vertu de la-
quelle les tenebres soiēt
expulsees de la terre, le tout se rap-
portant au prouerbe de Senior. La

F

chaleur, dit-il, rend toutes choses blanches, & toutes choses blâches deuiennent apres rouges: l'eau pareillement par sa vertu red aussi les choses blanches, que le feu puis apres illumine, mais la couleur penetre lors & transluit la terre subtilisee, cōme le rubis par l'esprit turgent du feu. A quoy conuient encor l'authorité de Socrate en ces mots: Esiouystoy quand tu verras vne lumiere admirable sortir des obscures tenebres.

Figure 13.



A chaleur disposee rap-
 porte chasque chose à sa
 plus grande perfection,
 par la force secrete dont
 elle peut animer les corps au moyē
 d'un agent de pourriture. C'est

pourquoy Morien dict, que riē ne se rend animé qu'apres la putrefactiō, & que toute la force du magistere ne peut rien, si cette corruption n'a precedé, ainsi que nous l'affirme asseuremēt la Tourbe des Philosophes, qui d'un commun consentement attribue à cette chaleur, la iurisdiction & le pouuoir de rendre les corps animez, en leur donnant vne essence viuāte, apres cette putrefaction; de faire plein d'humeurs & aqueux ce qui estoit auparauāt ferme & solide, ou autres semblables & contraires operatiōs, par ce que la chaleur contient cette propriété que de fixer & resoudre, & qu'en cela est le nœud de la matiere, auquel apertement consiste la perfectiō de l'ouurier. A ce propos deuons nous estroictement obseruer comme vn precepte d'asseurance pour cōcevoir vne dou-

ce apprehension de pouuoir obtenir le salaire precieux & premedité de nostre terre noire, le *Solue & gela*, que disent si souuent les bons auteurs & ia de nous tant de fois rechanté. C'en'est pas peu de cognoistre le feu qui faict cette putrefactiō & plusieurs beaux diuers effets desquels depéd toute l'entree & la conclusion de nostre Saturne.

*Si tu Veux pröptement cet Ouurage abreger,
Rends mol ce qui est dur, & le fixe leger.*

Par ce que l'essence de nostre Oeure tire sa force de contraires qualitez parfaictement vnies. Rasis en dict autant au traicté des lumieres, parlant de la necessité de cette mixtion metallique. Personne, dict il, ne peut pas rédre legere vne chose pesante sans receuoir l'ayde d'une chose legere, non plus que trāsmuer vne chose pesante, d'une essence legere sans l'entremise d'un corps pesant.

Figure 14.



V quatriesme la chaleur
purifie chassant de son
fouyer le moindre ob-
ject de quelque impureté. Calid
à ce subiect dit qu'il faut laver la


matiere par vn Feu chaud, pour faire vne apparente mutation: aussi faut il sçauoir que les mineraux assortis & alliez ensemble descheent promptemēt de leurs premieres habitudes par la communication reciproque de chacune de leur propre influence en l'infusion également dispersee par la totale masse de leur communauté, se depouillans d'un vestement particulier pour en faire puis apres vne proportiō esgale & mesuree à tout le gros de la miniere, & quittans les mauuaises senteurs de leur infection par le moyen de nostre Elixir renouuellé, duquel traite fort à propos Hermes, quand il dict qu'il est tres-necessaire de separer le gros du subtil, la terre du feu & le rare de l'espois. Il me vient à propos de rapporter icy les conceptions du traicté d'Alphidius qui ne

contredit en rien ce que nous en disons. Vous cognoistrez par la lecture exacte de ses doctes escrits, le mesme aduis qu'il en a du tout sensible à tant de bons & renommez Autheurs, qui nous ont tous laissé hésitâs au mesme chemin. La Terre, dict il, vient à se fondre, cōme vne eau, de laquelle il sort vn feu. Ouy, puis que la terre contient en soy le feu, aussi bien que l'air est cōtenu dans l'eau. Rasis no⁹ aduertit de mesme que certaines molleses de l'art doiuent preceder la parfaite operation de l'Oeuure, lesquelles nous appellons ordinairement & fort à propos, Modification, pour ce qu'il faut premierement fondre pour rendre la chose plus maniable, & que la matiere soit reduicte en eau qui est mollasse, & principe de toutes choses, *Ex aqua omnia fiunt*: ce qui se

faict par la putrefaction: Car des le commencement de cette mondificatiō on peut tirer quelque bon prognostic & ferme resolution de la Pierre des Sages, si les plus sales & diformes parties, cōme excremēs nuisibles & superflus à la pureté de ce bel Oeuure, en sont entieremēt excluses & separees.

V. cinquante la cha-
leur s'achève par la
venue d'un feu de la
partie cachée de la ter-
re les rayons de

Figure 15.



Vinquiémela cha-
leur s'esleue par la
vertu du feu, & l'es-
prit caché de la ter-
re sera renuoyé à

l'Air. C'est ce que dict Hermes dās
sa Table d'Esmeraude en ces ter-
mes. Il monte suauement de la Ter-
re au Ciel, & derechef du Ciel il re-
descéd en Terre, où lors il reçoit la
force de toute force. Puis en vn au-
tre endroiēt : Fais le gros subtil &
le subtil espois, & tu auras la gloire.
Et Ripla en ses 12. Portes, n'en dict
pas moins soubz vne autre figure.
Tirez les oyseaux du nid, & puis les
remettez dans le nid ; qui est esle-
uer l'Esprit de la terre, puis le ren-
dre à la terre. A ce mesme subiect
disent les Philosophes, qu'ils reco-
gnoissēt pour vn maistre de la sciē-
ce celuy qui peut tirer quelque lu-
miere d'une chose cachee. Morie-
nus confirme cette opinion com-
me sçauant, & tombant en mesme
cadence que les autres, aux doux
accords desquels nostre colōne se
fortifie & s'accorde, il tire de la cer-

uelle de tant de differents & releuez
esprits, l'indice le plus fort d'une pu-
re verité. [Celuy qui peut donner
soulagement à l'ame, la tirant hors
de la putrefaction, sçayt vn des plus
grands secrets de l'œuure.] L'aduis
d'Alphidius est icy tōb é sur la mes-
me rencontre en ces termes : Fais,
dict il, que cette vapeur monte en
haut, autrement tu n'en retireras
rien.

Figure 16.

AV sixiesme lors que la Cha-
leur s'est tant & potentielle-
ment multipliee en la terre, qu'elle
ayt reduict les plus fortes parties

vnies enſemble & renduës plus legeres elle ſurpaſſe en pureté les autres Elementés: mais il faut que cette chaleur ſoit augmentee à l'eſgal & proportion de la froidure de l'homme. Cælid nous autorife en cette opiniõ, & nous donne aſſurance de maintenir ce que nous en auons iugé. [Eſteins le feu, diët il, d'une choſe avec le froid de quelque autre choſe.] Si ne faut il pas pourtant que la frigidité excède plus d'un degré cette chaleur naturelle, pour ce qu'elle la ſuffoqueroit du tout, cõme le diët fort bien ſur ce propos Raymond en la Theorique de ſon Teſtament.

Figure 17.

AV septiesme, la chaleur tuë &
 amortit la terre froide. A quoy
 le dire de Socrate peut fort bien cō-
 uenir. Lors que la chaleur penetre,

elle rend les choses grossieres & terrestres subtiles & spirituelles qui s'accommodent à la matiere, non pas à la forme finale, ne cessant d'operer avec elle moyennant cette chaleur susdicte. Ce que les Philosophes appellent plus ouuertement, distiller par sept fois, entendât les sept couleurs qui se font par la decoction continuee dedans vn seul vaisseau & sans y toucher, laissant faire la Nature qui les deslie & mesle d'elle mesme par ses poids naturels.

*Car la Sage Nature,
Apprend son poids, son nombre & sa mesure.*

A quoy conformement pouuons nous dire ainsi par les Oracles sacrez de leurs bouches veritables. Tu as lors diuisé & separé les humiditez corrompues, le tout se faisant d'une seule decoction.

Figure 18.

Figure 18.

Actor au quatriefme des Pro-
uerbes donne vn autre enfei-
gnement, pour scauoir bien regir &
temperer la chaleur opportune &

le feu necessaire à nostre operation en ces termes : lors que le Soleil s'est retrogradé , qui veut dire debilité & remis en sa premiere matiere , il demonstre le premier degré , qui nous est autant qu'un vray signal de pusillanimité infirme & imbecille, à cause principalement de la diminution de sa chaleur naturelle , lors qu'il est à la noirceur : puis il y a un Ordre de l'air au Lion qui corrompt cette premiere chaleur naturelle, l'augmentant d'un feu bruslant & plus digerant que le feu commun, & cette ardeur excessiue demonstre le second degré, qui prouient de la trop grande chaleur du feu , par lequel nous entendons la putrefaction , qui est la priuation de la forme : & derechef yn autre certain ordre de l'air gardié du troisieme degré fuyt de pres les deux autres, non plus bruslant , mais de qualite tem-

peree, avec vne mediocre constitution de l'air & vn ordre mieux réglé, changeant sa violence en repos & tranquillité. Voyla le vray moyē de mettre fin à l'oeuure & le sentier asscuremēt frayé pour cultiuer la vigne d'esperance, & paracheuer avec vn bon succez le chemin ia battu d'vn air delicieux & de prosperité.

OPERATION DIVERSE DE

toute cette Ouvre comprise en quatre
 briefs Articles assez à en-
 tendre.

TRAICTE' CINQVIESME.

Article premier.

LE premier eschellon
 estably des Alchimi-
 stes pour paruenir
 à la Cime doree de
 nostre bel ouvrage,
 s'appelle des plus experts en cet art
 Hermetique, Solution, qui requiert
 selon Nature mesme, que le Corps
 soit bouilly iusques à parfaicte co-
 ction. Tout nostre magistère n'est
 que cuire, *Coque, coque, & iterum coque, nec*
te tædeat. Plus tu cuiras, plus tu dissou-
 dras, plus tu cuiras, plus tu blanchi-

ras, & plus tu cuiras, plus tu rougiras:
en fin cuis au cōmencement, cuis au
milieu & cuis à la fin, puis que cet art
ne consiste qu'à cuire: mais dās vne
eau se doibt parfaire la coction des
matieres, c'est à dire dedans vn vif-
argēt qui nous sert de cette matiere,
& dans le soulfhre qui est la forme:
voulant plus clairement donner à
entendre que l'argent vital qui se
congele demeure adherant au soul-
phre qui se dissout & luy est annexe.

Iunge siccum humido & habebis magisterium.
Conuertis l'eau en feu, & le sec en
humide, en fin les Eleimens les vns
dedans les autres, & tu auras vne plā-
che asseutee de ce que tu doibs pre-
tendre de l'esquif amoureux de no-
stre present Oeuure, *Conuerte elementa*
& quod queris inuenies. Les plus sçauants
te promettent toute faueur, & te le
signeront quand tu voudras, si tu
sçais le moyen de ioindre le Mer-

cure & le soulfre ensemble. Or
cette soluriō n'est autre chose qu'un
certain Ordre de quelq; humidité
coniointe avec le sec, proprement
appellée Putrefactiō, qui corrompt
totallement la matiere & la rend du
tout noire. Morien luy donne sem-
blable effect avec pareille necessité
de sa venue, pour esperer quelque
chose de l'Oeuure, dont elle en est
la Clef & le leuain des Philosophes.
S'il n'est, dit-il, pourry & noircy, il ne se dissou-
dra pas, & s'il ne se dissout, son eau ne se pourra
g'isser par tout le corps comme il doit neces-
sairement faire, ny le penetrer & le blanchir.
Il faut mourir pour reuiure comme
le grain de bled qui ne produict &
ne germe iamais à profit, si premie-
rement il ne meurt & ne se pourrit
du tout.

Figure 19.

Article second.

LE secōd rāg est appellé Coagu-
lation, qui toutefois peut estre
dicte vne mesme chose avec la So-
lution, faisant mesmes effects, la

G iij

diuersité qu'on peut intermettre entre-deux n'estant caulée que de tant soit peu de distance qu'il y a à parfaire les mutatiōs des premieres essences en natures diuerses, qu'on qualifie de diuers nōs pour s'opposer seulement à la cōfusiō des premieres intentions & pour en priuer les ignorās & y amener les enfans de nostre science à sa vraye cognoissāce. Cette Coagulation doncques remet de nouueau l'eau dās vn corps, car en ce congelant il se dissoult, & en dissoluant il se congele, pour nous monstrier que le vif argent qui est vn dissoluant du soulfhre metallique, & lequel il attire à soy pour estre congelé, desire de nouueau se conioindre à l'humidité radicale de ce soulfhre, & ce soulfhre derechef s'allie en son Mercure: & ainsi d'une amitié reciproque ne peuuēt ils viure l'vn sans l'autre, s'arrestant

amiablement ensemble, cōmen'estāt
qu'une nature, ainsi que tres-docte-
ment le publie Calid soubz le nom
de tous les Philosophes dans les se-
crets de son Alchimie, disant: Na-
ture s'approche de nature, nature se
faict semblable à nature, nature s'es-
iouyt en sa nature, nature s'amande
en sa nature, nature se submerge en
sa nature, & se conioinct en sa natu-
re, nature blanchit nature, & nature
rougit nature. Puis il adioust, la ge-
neratiō se retient avec la generatiō,
& la generatiō se rend victorieuse a-
uec la generatiō. A bō droict dōc di-
sons nous que nostre Mercure sus-
dit recherche tousiours l'alliāce de ce
soulphre pour luy servir de forme,
duquel il auroit esté separé avec tāt
d'indicibles regrets, cōme ne pou-
uant patir la dissolution de deux a-
mants si parfaicts, que ce soulphre
qui sert de forme au Mercure le fait

reuenir à soy, & l'attire de l'eau de la terre si tost qu'il s'é est des uny, afin que de ce corps composé de matiere qui est le Mercure, comme nous auons ja dict, & de forme qui est le soulfhre, nous en puissiōs tirer vne essence parfaicte, en laquelle on recognoisse la diuersité des couleurs qu'il est besoin d'y voir, pource que la propriété des choses operâtes ne cōmence plustost à se changer, que la pure conduitte & la seur entre-mise de ces choses viuantcs & animees n'y soiēt prudemment regies & doctement conduites par la main des plus sçauants qui en ont ja gouuerné le timon & la rame ; n'estant pas peu de chose que de cognoistre vn bon pilote à trauerser seurement cette mer qui soit munny d'vn bon vaisseau, c'est à dire trauaillant sur la vraye matiere & sçachant la portee & la mesure des choses operantes;

par ce qu'en la Solution le Mercure est faict semblable aux operatifs, au lieu qu'en la Coagulation la chose est toleree, en laquelle se fera l'operation. Mais il se faut représenter que cette science est fort à propos & par excelléce comparee aux jeux des petits enfans, par ce que tout art est iustemét nommé ieu, mais principalement celuy des lettres, *ludus litterarum*, ausquels les bons esprits prennent plaisir, & les doctes autant de contentemét sans aucun ennuy que les enfans prennent de goust aux choses friuoles selon leur portee, & qui leur faict passer le temps à l'ayse & sans apprehension d'aucune incommodité, comme la figure presente nous en représente naïuemét l'obiet & le portraict.

Figure 20.

Article troisieme.

E troisieme degre des Naturalistes, est la Sublimation, par laquelle la terre massive & grossiere se co-

uertit en son contraire humide, & se peut aysement distiller apres qu'elle est changee en cette humidité: car si tost que l'eau s'est reduite & rangee son par influxion dans sa propre terre, elle retiér aucunemēt desia la qualité de l'air, s'esleuant peu à peu & enflāt la terre retenue iusques alors au petit pied pour la siccité beāte & demesuree, cōme vn corps cōpacte & fort pressé, laquelle neantmoins y reprend ses esprits & s'estend plus au large par l'influēce de cette humeur qui s'imbibe dedans, & s'entretient par son infusion dedans ce corps solide en forme d'vne nuë poreuse, & pareille à cette eau qui furnage dans l'œuf, c'est à dire l'ame de la cīquiesme substance que nous appellerons avec bonne raison, *tinētus, fermentum, anima, oleū*, pour estre la matiere la plus necessaire & la plus approchante de la Pierre des Sages: d'autant que de

cette Sublimation il en prouient des cendres, lesquelles proprement (mais sur tout moyennant l'assistance de Dieu, sans la bonté duquel rien ne reüssira) s'attribuent des limites & mesures du feu, esquelles il est clos & cōme de remparts naturels enfermé. Ripla en parle ainsi & du mesme sens que nous: Fais, dit il, vn feu dans ton verre, c'est à dire dās la terre qui le tient enfermé. Cette briefue methode dont nous t'auons liberalement instruiet, me semble la plus courte voye & la vraye Sublimation Philosophique, pour paruenir à la perfection de ce graue labeur, fort à propos comparé pour sa pureté & candeur admirable, au mestier ordinaire des femmes, c'est à dire, au lauoir, qui a cette propriété de rendre infiniment blanc, ce qui paroïssoit en effect auparauāt sale & plein d'ordures, comme la suiuite figure te le

fera parfaictement cognoistre. Mais
encore premierement te veux ie ad-
monester que ie ne suis point seul
qui donne mesmes effects à nostre
Oeuure, qu'au mestier des femmes,
n'y ayant rien de si commun dās les
meilleurs Autheurs que cette vraye
similitude. *Ludus puerorum* l'appelle *faict
de femme & ieu d'enfant*, par ce que les en-
fans se souillent & veautrent en l'or-
dure de leurs excremens, represen-
tant cette noirceur tiree des propres
mixtions naturelles de nostre corps
mineral, sans autre operation d'arti-
fice que de son feu chaud & humi-
de, digerant & vaporant; laquelle
noirceur & putrefaction est net-
toyee par la blancheur qui vient a-
pres y prendre place se faisant mai-
son nette & purgeant de toute or-
dure cette premiere couche impar-
faite, de mesme que la femme se
sert d'une lexiue & d'une claire eau

pour rendre à son enfant la netteté
requisse à son entière conseruation.

Figure 21.

Article Quatriesme.

LE dernier de nos articles aduer-
tit le lecteur que l'eau se doit
desfor-

desormais separer & diuifer de la terre, puis se rejoindre & remettre ensemble de nouueau, afin que ces deux corps estroictemēt vnīs soiēt vn homogenee, si ferrez & alliez ensemble, que la separation ne s'en puisse pl⁹ faire: Telle doit estre aussi l'intention de l'ouurier, autrement son labeur vainement entrepris ne prendroit iamais fin, ains demeurāt tousiours en mesme estat, ne laisseroit riē à son Autheur qu'un regret plein d'ennuis d'estre serf d'ignorance, n'ayant eu le pouuoir de reduire son oeuure en l'vnion naturelle d'un seul corps composé de choses differentes, desquelles necessairement s'est-on seruy à la construction de ce rare Edifice; ne plus ne moins que le sage Architecte, qui dresse vn bastiment de diuerses matieres, auquel neātmoins tant de varietez n'enfantent en l'idee qu'une

seule & principale fin , qui est le ba-
stiment , & vn tout assemblé de di-
uerses parties estroitement vny dans
vn corps compassé de plusieurs in-
strumens.

Ce qui se peut donc dire de no-
stre composition & des proportiōs
qu'il y faut obseruer , est succincte-
ment cōpris en la brieue methode de
ces quatre Articles precedens , sans
s'alambiquer autrement l'esprit, ren-
du confus & esgaré par les sentiers
entrelassez des vestiges ambigus,
& des discours hyperboliques de
tant d'Autheurs qui n'en parlent
qu'à tastons ; de sorte qu'ils font
errer les autres moins aduisez, sous
le voile ignorant de mainte obscu-
rité, retenant en ceruelle ceux qui
sont alterez & qui se iettent à corps
perdu dans la fontaine sans cognoi-
stre le fonds, sitost que le Soleil lui-
sant fait briller de ses rays quelque

superficie; si que desia se promet-
tât tout au moins des Monts dorez,
puis qu'il leur rid ainsi, ils trauaillent
apres tous pantelans pour le penser
surprendre, & prendre la Lune aux
dents, dont ils se repentent tout à
loisir & du peu de preuoyance de
leur bouillante temerité.

Odi pupillos precocis ingenij. La patiēce viēt
à fin de toutes choses, mesmes des
plus ardues, lesquelles sont ordinai-
rement de plus de queste & de re-
cherche, par ce que *difficilia quæ pulchra.*

C'est pourquoy la Tourbe dict;
Patiemmēt & continuellement: les
autres, *nec te tædeat.* Et Augurel,

*Puis patience en fidelle compagne,
Toujours te suyne & toujours t'accompagne.*

Figure 22.

Du Gouvernement du Feu.

A Prestous ces Articles nous a-
uons à traicter de la vraye ma-
niere de bien & methodiquement

gouverner le feu en la proportion
de ses degrez, la cognoissance du-
quel nous est si necessaire, que sans
cette science toute nostre operatiõ
se rendroit inutile: asseurez mesme-
ment d'auoir choisy la reelle marie-
re & de sçauoir le moyen de la se-
mer en terre desiree, cela n'est rien,
puisque,

Qui manque d'un manque de toute chose.

Vno aulso non deficit alter.

Vn seul porreau le visage difforme.

d'autant qu'on espie de plus près le
moindre vice, qui suffit pour ternir
& tenir toute la gloire en bride de
quelque homme genereux, qu'on
ne le loüe de toutes ses vertus, qu'il
s'est acquis par ses graues merites.
C'est donc pourquoy.

*Le Sage inquisiteur ne doit de rien doubter,
Et qui ne sçait pas tout, ne sçayt l'œuvre goustier.*

Vn regime de feu parfait & l'oconomie,
Qui regle les erreurs d'une errante Alchimie:
C'est le fidel Agent qui dispose de tout,
Et qui ferme soustient le siege insqu'au bout:
C'est le seul porte-clef de nostre Citadelle,
Qui pour garder son Roy faict bone sentinelle.

Pontanus nous en sçayt bien que dire, quand d'une sienne Epistre il nous veut rendre sages à ses perils, (si les fautes d'autrui nous peuuent arrester,) qui par ce seul defaut s'eslongnoit à perte de veuë de ses desseins, n'auançant non plus son œuure en deux cens diuerses fois qu'il le recōmença, attaché neantmoins sur bonne & deuë matiere, que s'il n'eust iamais rien faict. Cette ignorance luy cousta cher & de temps & de despens, quoy qu'il ne fust que trop muni de belle patience requise en ce labeur : mais le feu naturel necessaire à ce beau corps, ne l'aydant de ses faueurs, il fut disgracié

de sa prosperité, autant de fois qu'il
voulut persister en son premier ar-
rest, tant ce gouuerneur & pere de
famille peut au timon réglé & aux
ressorts de ce riche vaisseau : Fort à
propos en pouuons nous donc icy
parler, & descouurir en peu de mots
ce qu'il nous en sera permis d'escri-
re. Lors qu'une chose s'appreste à la
chaleur, ce doibt estre de telle sorte
qu'on n'y puisse recognoistre aucu-
ne emotion perceptible, ains seule-
ment vn changement de son ordre
naturel, comme celuy qui cōuient
au Soleil, auquel cette chaleur se
doibt du tout rapporter; qui est au-
tant que si nous vous disions qu'une
chose terrestre & sans esprit, se
peut rendre animee par le moyen
d'une chaleur naturelle & confor-
me à celle du Soleil & de la Lune,
non excessiue ny bruslante, ains seu-
lement mediocre, & à l'esgal d'un

corps bien temperé. Or de quelles qualitez sont ces deux principaux astres celestes, Senior le demōstre, quand il diēt que le Soleil est d'une chaleur moderee, & la Lune froide & humide, mais comme moins parfaite elle monte en haut aspirant à son biē & empruntāt de la plus noble partie ce qui luy māque, tāt qu'à la fin elle paroist autant en force & en vertu, que celuy qui les luy a favorablement cōmuniquees, si qu'ils agissent puis apres esgallement sur les corps de leurs celestes influēces, & les remplissent abondamment de leurs douces lumieres. Or comme la chaleur & l'humiditē font les generations, & partant necessaires à nostre fin, disent tous les Autheurs, sur lesquels s'est assure Flamel en son Sommaire Philosophique.

*Car chaleur & humiditē
Est nourriture en Verité,*

De toutes choses de ce monde
Ayant Vie, sur ce me fonde,
Comme Animaux & Vegetaux,
Et semblablement minéraux.
Chaleur de bois & de charbon,
Cela ne leur est pas trop bon,
Ce sont choses trop violentes,
Et ne sont pas si nourrissantes
Que celle qui du Soleil vient.
Laquelle chaleur entretient,
Chacune chose corporelle,
Pour autant qu'elle est naturelle.

Aussi les attachōs nous si estroicte-
ment au magistere des Anciens, que
par la renouation de ces deux mo-
yens, nous esperons faire sortir les
rayons tous brillans de nostre beau
Soleil, venant rafraischir son amou-
reuse ardeur dans le sein argentin
de la Lune espuree, dont nous vo-
yons faillir mille petits soleils, c'est
à dire infinis, & qui se peuuent sans
fin multiplier; or cela est la vraye
Pierre des Sages.

L'eschelle des Philosophes pour monter à la cognoissance de cette gloire, descouure entierement quel doibt estre le feu de nostre Magistere, & de quelle mesure l'Ame des Philosophes veut estre entretenüe, nous en produirōs comme en passant quelques diuersitez d'opiniōs: il est biē dict en ce lieu sus nommē, que la chaleur ou le feu requis à cet ouurage, est compris en vne forme vnique, mais c'est trop succinctement dire ce qui en est, *dum breuis esse laboro, obscurus fio.*

*Quand mon discours trop court sert la briefuete,
Je viens & demiens serf de toute obscurité.*

Nous nous esclaircirons de ce doute, & dirons maintenant que quelques vns de la Tourbe, veulent que la Chaleur du premier appareil ou du premier regime, se doiuue aucunement rapporter à la Chaleur de

quelque poulle couuante : autres la veulent deuoir estre semblable à la Chaleur du corps humain , & telle que la parfaicte coction ou digestion des viandes enuoyees à l'estomach la desire , pour conuertir en substance du corps & en nature alimentee , la qualité & quantité nécessaire des choses nourrissantes : d'autres encor la veulent rendre esgale à la chaleur du Soleil , qui selo les objects produit des contraires effects , quoy qu'immuable en sa nature , ainsi que faiet nostre Pierre susdicte , qui sans aucue operatiō se peut paracheuer , changeāt son premier estre & se laissant mourir pour reuiure , à l'aide de celuy qui luy a causé la mort ; pour ce que le feu des Philosophes retient les effects du Scorpion qui porte la mort & la vie , tuāt par son venim celuy auquel luy mesme appliqué sur la playe donne

le dyctame de guarison. Le feu trop violent ruine ce qu'il rencontre, le mediocre raffraichist, & dissipe insensiblement ce qu'il veut entretenir & releuer de son humidité. Ainsi le dict Calid, *minor ignis omnia terit.* C'est le moyen d'esperer vne loüable fin dès le commencement du labeur entrepris, que de luy donner la chaleur tēperee, laquelle sans brusler penetres viuent iusques dans les entrailles de ce corps massif qu'elle amollit sa durescé & le faict ployer à toutes ses volonte, comme l'eau qui caue à la longue & par la continuë de sa patience les plus fermes Rochers, ce qu'elle ne feroit iamais à force ouuerte. La matiere alteree & posément eschauffee ne retient plus son lustre qu'en puissance, & changeant son beau teinct, elle se couure d'un voile obscur infinimēt noir, qui la rend comme lepreuse &

pourrie par tout le corps : aussi la
Fontaine des Amoureux l'appel-
le elle lors, Or mesel & Plomb des
Philosophes.

Quantum mutatus ab illo.

On le cognoist plus en sa deformité.

Mais le temps ameine-tout, dissipe
au 2. changement les tenebres om-
brageuses, & retire en sa saison son
corps attedié des cachos noirs de sa
longue prison, luy redonnant vne
nouuelle forme affranchie pour ce
coup de cette pourriture, de laquel-
le nettoyé il reprend plus luisant
qu'il n'estoit, l'agreable face de son
en bon poinct.

Et d'un More parfaict il devient Cygne blanc.

La vraye chaleur requise à ces ef-
fects ne doit estre ny plus ny moins
ardente que celle du Soleil, c'est à
dire mediocre & temperée, pour ce

que le feu lent est esperance de salut, & parfaict toutes choses, diēt la Tourbe: mais ceste Chaleur necessaire es principes alteratifs de nostre operatiō est au Signe des lumeaux, & quād les couleurs sont venues au blanc la multiplication doit paroistre, iusques à ce qu'une parfaicte siccité se cognoisse à la Pierre. Or ne peut on mieux iuger si ce signe debonnaire y domine, que quand principalement la chaleur de nostre feu n'est en rien differente de celle du Soleil, car c'est ceste la qui y est sur toute autre requise, pour la grande sympathie qu'il y a entre les deux, cōtraires en eux mesmes & se changeāt selon les signes plus violēs ou plus doux qu'ils gouvernent, naturellement toutefois & sans aucun artifice. Mais si tost que la Pierre est dessechee & se peut reduire en poudre, le feu iusques icy mediocre &

temperé doibt reprendre ses forces
& plus ardemment agir sur ce corps,
à ce que par son ardeur augmentee
il luy puisse faire changer d'habit, &
muer sa robe blâche en vne de plus
haute couleur plus voyante & plus
vermeille, qui sont les liurees ordi-
naires & les riches vestemens de no-
stre grand Roy, deliuré de la prison
dâs laquelle si long temps il s'estoit
veu serré & en grande souffrance,
par la diligente poursuite de son fi-
delle gouverneur qui l'en retira. Le
dernier degré de sa chaleur est tel
que celuy qui regne soubz le Signe
ardent du Lion plus esclatant & fu-
ribond que tous les autres, car c'est
lors que le Soleil est le plus vehé-
ment en son plus haut degré de cha-
leur & qu'il est esleué en la plus hau-
te dignité de son celeste domicile.

Voila suffisamment traicté, pour la
brièveté que nous recherchons de

nostre Institution Philosophique du moyen qu'il faut tenir & estroitement obseruer au gouuernemēt du feu des Philosophes, sans lequel tu trauailleras en vain, quiconque sois qui voudras essayer la derniere piece, pour remporter la meilleure perfection de cet œuvre : il te doibt neantmoins suffire de ce que nous t'en auons dict, plus clairement que si le discours estoit enueloppé de plus longues paroles ; si tu m'entens ie t'en descouure assez, à la patte on cognoist le lion, & l'ouurier à son ouvrage.

Des

DES COULEURS NECESSAI-

res qui se demonstrent en la prepara-
tion de cette Pierre.



Plusieurs Autheurs
de nostre labeur se
semblent contredi-
re & destruire l'un
l'autre en la diuersi-
té de leurs opiniōs,
& qui ne sonderoit de près leur cō-
mune intention, ou si les plus sça-
uans ne preuoyoient des mieux à
quel dessein cette varieté, ils pour-
roient bien long-temps suer à tirer
vne essence d'esprit de leurs subtili-
tez, tant l'escorce noüeuse de leurs
escrits douteux est forte à esmon-
der en toutes ses parties, & princi-
palement lors qu'ils veulent traicter
des couleurs de nostre Oeuure, des-
quelles succinctement nous dirons
quelq; chose: n'ayant pas toutefois
entrepris de les deduire toutes, &

retirer de leurs cachots l'une après l'autre pour les mettre en lumière, ains seulement nous croyons nous estre assez desgagés de nos promesses, si nous en tirons des plus apparentes & qui retiennent les autres pour s'en servir legerement aux affaires de simple consequence en leur gouvernement, pour sonder le secret de ces testes plus meures & qui conduisent entierement l'œconomie & l'estat important de leur Seigneur, par l'intelligence desquelles nous cognoissons asseurement ce qui est mesme reserué au cabinet le plus sacré & plus interieur d'un Roy si preuoyant pour nous en servir au besoin, sans rechercher des moindres offices de la Cour, la charge & les qualitez qu'y peuuent obtenir les officiers des moyēnes cours. Miral dus l'un de ceux de la Tourbe des Philosophes, dict sur

nostre propos, ayant en ceste question colligé le consentement de tous les autres bons Autheurs, que nostre Corps Metallique noircit deux fois, blanchit deux fois, & rougit aussi deux fois, *bis nigrescit, bis albescit, bis rubescit*, qui sont les permanentes & principales couleurs, changeant à mesure de la chaleur plus ou moindre : car il est tres-certain qu'on y en recognoist vne infinité d'autres, mais pour ce qu'elles luy sont accidentelles, nous ne les mettons pas en ligne de cōpte, de peur de broüiller les ceruelles legeres aussi bien que le papier, & que tant de couleurs que vous vous pourriez imaginer, dependent entierement de ces trois cy dessus specifiees, & reuiennent en fin sur la Symmetrie proportionnee de l'une de nos souveraines. Et n'est pas sans raison que les Autheurs par l'inspiratiō de quel-

que sainct Antouſiasme racourciſſent cette diuerſité au nombre ternaire myſtique & deſſié où s'aboutit le terme glorieux de toute felicité. Entre ces trois pourtant (pour ne te rié celer de noſtre briefue Methode) qui ſōt les principales & permanentes du Roy terreſtre & metalique des philoſophes, no⁹ en pourrons bié diſcerner quelques autres differentes & entremeeſſees, lesquelles neantmoins nous raiſons induſtrieuſement & de faiēt deliberé, pour n'eſtre que couleurs imparfaites & non de telle nature & conſiſtence qu'elles ſoient dignes, attendu meſmement noſtre cōpendieuſe intention, d'eſtre miſes au rang de nos trois permanentes, noir, blanc, & rouge, pour les nommer ſelon leur rang, lesquelles abſolument & immediatement comprennent routes les accidentelles qui y

puissent arriuer: partât n'est il autre-
mêt besoin d'en escrire autre chose,
sinõ que pour le contentement des
plus curieux, no⁹ produisiõs les cau-
ses qui nous peuuent honnestemêt
mouuoir à passer soubs silence le
nombre general de celles qui pa-
roissent les vnes successiuement aux
autres entre les principales sus men-
tionnees, pource que leurs effects
sont de si peu d'effect, à l'esgard au
moins des permanentes (nostre œu-
re naturelle n'agissant rien en vain)
& leurs couleurs si peu apparoiissan-
tes, que s'escolât comme insensi-
blemêt & quasi hors de veuë, nous
les laissons plus soudainemêt qu'el-
les mesmes ne nous quittent, car el-
les s'y arrestent d'une desmarche si
legere, que l'ombre à peine de leur
substâce seulemêt n'y paroist, qu'el-
les ne s'esuanoüissêt aussi tost dâs le
vaisseau d'un pas esgal à l'incõstâce.

C'est pourquoy de s'arrester plus long temps à discourir de chascue espece & de leur propriété particuliere, ce seroit n'auoir autre chose à faire, & prendre l'incertain pour la chose certaine, car de toutes ces couleurs qui viennent à pas tardifs & avec tant de lentitude qu'on ne les peut aysement discerner, nous n'y voulôs asseoir nostre plume, attentive à des desseins plus releués, ains seulement sur quelque vne iau-nastre & de legere couleur, mais qui retire à peu près sur la blancheur parfaicte deuant la derniere rougeur, pour ce que celle la demeure assez long temps visible en la matiere, la comparant à la legereté des autres, & pour cette raison les Philosophes luy font ils tenir place de mesme principauté qu'aux autres, la tenant au rang des couleurs necessaires; non pas, disie, qu'elles s'arre-

ste dans le vaisseau si longuement
que les trois, qui y demeurent per-
manentes en la matiere l'espace de
quarante iours chacune, mais pour
autant qu'apres ces autres la, elle s'y
tient le plus: lesquelles on a compa-
rees aux 4. Elemens qui influent &
dominent sur les corps autant hu-
mains que minéraux; la noirceur à
la Terre qui est le plomb des Phi-
losophes & la base ferme pour as-
seurer le faix des autres; la blâcheur à
l'eau, qui sert de sperme à la femme
du Ciel pour la generation; la iau-
nastre à l'air, qui est le pere de la vie;
& la rougeur au feu qui est la fin de
l'œuure & sa derniere perfection.
La noire qui s'apparoit deux fois
aussi biẽ que la rouge, est beaucoup
en credit entre les plus fameux, pour
ce qu'elle porte la clef pour ouurir
la porte à qui bon luy semble des
couleurs, ayant vn feu qui luy admi-

nistre toutes ses necessitez & de qui
seule elle releue aussi, tenant les au-
tres soubz saloy, car sans icelle on
ne peut esperer aucun heureux ef-
fect de toute l'entreprise : son hu-
meur n'est pas si farouche ny si dur
à plier que la rougeur, ains beau-
coup pl^s maniable & aysé à traicter,
ne demande pour tous mets qu'un
ne douce chaleur qui puisse faire
l'ouuerture du leuain corrompu, se
laissât vaincre à la patiēce & à l'humili-
té plustost qu'à la rigueur & à la
violence d'un rude gouuerneur qui
dissiperoit tout au lieu de l'amē-
der. Senior seruāt de loy à plusieurs
bons Autheurs qui tous approuuēt
sa volonté sur le poinct que nous
traictons, s'accorde à nostre aduis,
quād il remōstre en ses escrits, que
la parfaicte decoctiō de la matiere se
doibt entretenir d'une chaleur tem-
perce tant que le corbeau pourry se

soit euanouïy & ayt cedé son rang à
vne autre teinture. Puis donc que
c'est le feu (au rapport de la Com-
plainte de Nature parlant ainsi : Le
feu est noble & sur tous maistre, Et
est cause de faire naistre, Par sa cha-
leur & dōner vie &c.) qui tiét la main
à l'œuure & le dispose à son plaisir,
comme vn fidelle Truchement de
qui l'œuure préd langue du chemin
qu'il luy faut asseuremēt tenir : ie ne
m'estonne plus si les docteurs de la
grande Tourbe ont annoncé par la
doctrine de Lucas vn de leurs asso-
ciez, qu'ils font grande estime de
l'ouurier qui cognoist le feu & les
aisons de le violéter. [Gardez vous
bien, diét il, d'vn feu qui soit trop
fort pour vn commencement.] Que
si deuant le temps, il est trop violēt
& hors de ses mesures, il bruslera ce
qu'il deuroit pourrir, principe de la
vie, & la peine inutile ne nous rap-

porteroit qu'un extreme regret confus & desplaisir indicible d'un salaire vainement attendu par vne voye illicite de violence, cause de rebellio & d'opiniaftreté. C'est ce que dict fort à propos Marie Prophete. [Le feu fort, garde de faire la conionction] & la vraye dissolution de la nature. Et en autre lieu elle dict encor: [Le feu fort, teinct le blanc en rouge de pauot chapestre. A quoy s'accorde le Treuisan quand il dict, que le feu doux & temperé parfaict l'œuvre, au lieu que le violent le destruit. Si donc en toutes choses la fin de toute entreprise est considerable dès son commencement, en cette cy principalement se doit-on rendre plus attentif, par ce que si tu ne scays la reigle de ton feu en chasque saison, qui est le plus grand heur de tes pretensions & qui meine entierement l'œuvre à la perfe-

ction, c'est faict de ton labeur, car
 en la cognoissance de l'ordre des
 couleurs cōsiste tout le poinct d'v-
 ne graue Sciēce & de l'arbre d'Her-
 mes, selō les Philosophes qui nous
 enchantēt si souuēt cette diuine le-
 çon. *Aes nostrum si benè scis, sufficiet tibi
 mercurius & ignis.*

*Le noir est le premier qui faict breche au vais-
 seau,*

*Le blanc le suyt de pres humide cōme vne eau,
 Et le rouge en couleur tient la derniere place.*

Balde en la Tourbe parlant des
 mesmes couleurs que nous deuons
 estroictement obseruer, nous ad-
 uertit de cuire nostre composition
 iusques à ce que nous la voyons de-
 uenir blanche, laquelle apres il faut
 esteindre dans du vinaigre, par le-
 quel il entend l'eau mercuriale de la
 matiere qui est le feu & l'eau philo-
 sophale. *Et aqua est ignis comburens solem*

magis quam ignis, disēt le grand Rosaire
& la Tourbe : *Aqua nostra fortior est igne*
quia facit de corpore auri merum spiritum, quod
ignis facere non potest, dict encore Geber
à mesme fin. Il faut sçauoir aussi se-
parer le noir d'avec le blanc, car la
blâcheur est vn signe approchāt de
la fixatiō. Or ne les peut on mieux
distinguer que par vn feu de Calci-
nation, puis que sans l'addition &
multiplication de la chaleur sur la
douce temperie de celle qui a pre-
cedé & dominé sur la noirceur d'v-
ne corruption, la diuision de nos
degrez de couleur ne se peut ayse-
ment faire. Ce qu'ayant en fin obte-
nu par l'industrie d'vn tel feu, il no^r
reste vn gros de terre, que plusieurs
ont appellé pere de la matiere, en
forme d'vne terre noire & rude,
qu'ils nomment leur Saturne, *Terram*
leprosam & nigram, vne terre lepreuse,
pourrie, & noire, que quelques au-

tres appellét le monde inferieur, laquelle ne se peut plus mesler avec la pure & subtile matiere de cette Pierre, car il faut separer du subtil le gros, & du rare l'espois; ce qui se fait en descuifant sans y toucher ny des mains ny des pieds, pour ce que *opus magnum semetipsum soluit*, se separe & diuise de soy mesme, disent Raymond Lulle & le Treuisan: L'Hortulan sur la table d'esmeraude dict le mesme, [Tu separeras, c'est à dire dissoudras car la dissolution est la separatiō des parties,] & qui sçayt l'art de dissoudre, il est paruenue au secret, selō Rasis. Or c'est là le refrain que no^r châtent sans cesse tous les bons Philosophes, lors qu'ils nous aduisent si souuēt que le rouge & le blanc doivent estre retirez du noir, & lors en luy ne trouue on plus rien de surabondant ayāt resigné toute sa force aux susdictes couleurs, & n'est

plus aussi subiect à diminution, ains le tout par apres se rend conforme au rouge tresparfait; & c'est pourquoy le veulent ils tirer à force & vehemence de feu, au dire mesme de la plus saine part des doctes de la Tourbe. Lors que les couleurs, disent ils, viennent de plus en plus à se muer & alterer, le feu se doibt plus violemment augmenter qu'au parauant sans craindre deormais qu'il puisse rien gaster, car la matiere s'affermit sur le blanc, au temps duquel l'ame se ioinct inseparablement avec le corps, & les esprits descendus du Ciel en cette terre ne s'en departent plus. Ainsi nous le certifient les parolles du Philosophe Lucas. [Quand nostre Magnesie, dict il, s'est transmuee au blanc, elle appelle les esprits à soy qui l'auoient delaissee, desquels elle ne se separe plus.] Le Maistre des Philosophes

Hermes passe plus outre, & dit qu'il n'est ia necessaire de paracheuer la Magnesie blanche, iusques à ce que toutes ses couleurs soient accomplies, lesquelles se sous-diuisent en quatre diuerses eaux, c'est à sçauoir de l'une à deux & trois à vne, la dernière desquelles parties conuient à la chaleur, & les trois autres à l'humidité.

Retiens aussi pour asseuré que les eaux susdites sont les poids des Philosophes, & ces mesmes poids sont les couleurs de la matiere, & les trois couleurs principales sont les trois feux des Philosophes; naturel, non naturel & contre Nature.

La comparaison que font les Amateurs de la sciéce, de nostre Oeuvre, à la vigne, n'est point trop hors de propos, ie la proposeray succinctement pour n'ennuyer le Lecteur beneuole. Il faut sçauoir que le Sar-

mēt ou la vigne qui en est le suc, & comme la couleur blāche de la matiere, sera tiré hors de sa quinte essence, mais son vin sera paracheué au troisiésme degré selon la vraye proportion, car il s'augmente en la decoction & se forme en la puluerisation, qui sont les seuls moyens pour comprendre en soy le commencement & la fin de cette pepiniere naturelle. C'est pourquoy aucuns de nos docteurs nous ont laissé par escrit, que le Cuiure Philosophal sera du tout parfaict en sept iours, par lesquels nous entendons les sept couleurs metalliques, dont la rougeur parfaicte est la derniere; d'autres ne luy prolongent son terme de perfection plus aduant que de quatre iours, qui se peuuent rapporter aux quatre couleurs principales que plusieurs luy attribuent seulemēt, & desquelles principale-
ment

ment depend toute l'Oeuure, d'autres ne luy donnent que trois iours, qui sont termes attribuez aux trois plus fortes & plus necessaires couleurs permanentes en la matiere, & quelques autres encor moins espargnans le temps & le iurans à bonne mesure, luy assurent charitablement vn an entier pour se rendre hors de tutelle, & pouuoir absolument apres vser de tous ses droicts, sans autre gouuerneur que de sa discretiõ capable d'entretenir vn mode de ses biens faicts & liberalitez: Ce terme d'an pour sortir hors de page, se peut encor accommoder aux quatre saisons de l'annee, & aux quatre elemẽs, qui n'ont pas peu de droict sur nostre matiere. A quoy se rend du tout cõforme le iugement qu'en faict Alphidius, suiui de plusieurs autres de la mesme societé, iugeant la fin de l'œuure par la fin des quatre

temps de l'annee, au printemps, à l'esté, à l'automne & à l'hyuer, pource que derechef l'an est composé des quatre saisons: Plusieurs autres l'abregent en vn iour, qui est le temps de la decoction parfaite, metaphoriquement parlant, car vn an philosophal est tout le temps presny de la decoctiō, qui en vne semaine, qui en vn mois. Arnauld, Raymond, Geber, l'Hortulain & Augurel parlent de trois ans, par ce que chascune couleur est cōprise pour vn an. Toutes lesquelles diuersitez se rapportent à vn mesme but & à vn mesme sens, par la doctrine, experience & dextérité des plus capables qui la sçauent, mais qui recellēt tousiours en leur arriere cabinet le temps, les noms & la matiere: ce que ne peuuent pas comprendre les ignorans, auxquels sagement par ce moyen les Sages interdisent la venerable entree de leurs

Escholes mysterieuses, comme Platon defendoit absolument la communication de son eloquence diuine, à ceux qui n'auoient la cognoissance des Mathematiques. Pratique estroictement obseruee des Philosophes en l'administration de leur ceuure penible, ne la communiquât par leurs ambiguites qu'à la capacité des fils de la Science, & à la sonde diligente des esprits releuez & entédus en telles choses : que s'ils ne sont pas tels, ils ne s'en doiuent point mesler, ains plustost s'esloigner du sucil de cette porte fascheuse pour eux, de peur d'y chopper trop lourdement & donner du nez en terre.

Procul hinc, procul este prophani.

K ij

DE LA PROPRIETE' DE TOY-
te l'œuure & de l'entiere prepara-
tion de la Pierre.

Traicté Sixiesme.



A Calcinatiō ou dealbatiō entre les Philosophes tiendra le rang qu'un bon pere de famille faict en vne lignee, à laquelle il pouruoit de ses necessitez, aussi luy font ils tenir le premier degre de son Oeconomie dès le commencement de l'œuure, & luy cōtinuant le principal honneur de cette charge sur l'entiere administratiō de nos metaux, iusques à ce que par sa discretion preuoyante, son vice-gouuerneur establi pour les rāger chacun en son deuoir, les ait reduits à la fin honorable de leur perfection. Or ayant icy subiect de traicter de cette Dealba-

tiō & le loisir d'en dire quelque chose, il no⁹ faut remarquer que les Philosophes en establisent de trois façōs, dont les deux premieres appartiennent au corps, la troisieme à l'esprit. La premiere est encor vne preparatiō de l'humidité froide qui preserve le bois des iniures du feu, qu'ils appellent leur Saturne, par ce que Saturne faiet la cōgelation des spermes: & de celle preparation deuëment faiete, nous conceuons en l'ame le bon succès d'un heureux commencement. La seconde est vne humidité grasse qui rend le bois susceptible du feu, & cōbustible, laquelle on dict estre l'huile visqueuse des Philosophes, & qui vient apres la corruption: or cette huile la est celle qui donne la teinture, & le premier menstrue philosophal & leur premier vaisseau. Mais la troisieme est comme vne incineration de terre

seiche, qui est au blanc, doüee d'une pure, vraye, fixe & subtile humidité, qui ne rend aucune flamme, ne laissant neantmoins de se former un corps clair, transparêt, luisant, & diaphane cōme un verre, qui est la pure & parfaicte blancheur, & la marguerite des Philosophes, & leur Or blāc, & la moitié de l'œuure : aussi que la Calcination ne leur est autre chose que purement blanchir. *Quando dealbatum fuerit aurum, post denigrationem eius, nominatur aurum nostrum, & calx nostra, & magnesia nostra, & aqua permanens*, dict subtilement Morien. Voila donc la maniere de calciner selon les philosophes, par le moyen d'une eau permanente ou d'un vinaigre fort qui est la quintessence de la matiere & l'ame de la Pierre. Mais notons en passant que les metaux participent tous de cette humidité radicale, laquelle n'est rien qu'un commencement de toutes choses molles: aussi est-ce pourquoy

tient on assurement la Calcination des Philosophes, n'estre autre chose que la blancheur, & la purgation & la restauration de la chaleur naturelle: ou vn indice parfait, deuoyemēt, disturbance & expulsion de l'humidité superflue, & vne attractiō d'vne ignee humidité, qui est cette blancheur pure que nous nommons Souldphre interne des philosophes, separant le souldphre accidental & superflu qui est la corruption; autrement vne douce liqueur, de laquelle prouiennent la substance animee de nostre Oeuure, la quintessence souveraine de tout bō heur, le meilleur esprit & la vie, desquelles est tiree la parfaicte rougeur, & l'heureuse fin del'Oeuure. Or cette liqueur se fait ordinairement avec l'eau des Philosophes, qui est proprement la sublimation ou resolution des sages, ou l'exaltatiō & la blancheur, & leur eau

permanente: mais de telle force particulière, qu'elle change bien tost la dure siccité en vn souple & maniable amollissement, tirant dehors la quintessence, qui est la Pierre admirable des Sages, & le Mercure vegetal qui separe & conioinct les Elements. Ce qui arriue principalement à cause que la partie que la violence du feu a consommee & comprimée ensemble est deuenue subtile par l'esprit, qui est vne eau resoluante & vne humidité des corps corrompus avec vne chaleur amassée & annexée avec l'esprit & radicale humeur; toutes lesquelles choses font vne racine de tous les Elemēs Philosophiques, lesquels il faut refaire de nouveau apres la corruption, qui sont ces quatre couleurs parfaites, dont la rouge est la dernière.

*Et puis te conuient par bon sens
Separer les quatre Elements,*

*Lesquels tous nouueaux tu feras,
Et puis en œuvre les mettras.*

dict sagemēt la Fontaine des Amoureux de Science. Or la sublimation se nomme vne vapeur terrienne plus grossiere, mais subtilement faite en vne humidité d'eau & inflammatioⁿ ou humidité de l'air, avec chaleur de feu bien temperé, laquelle chaleur cause absolument la mutatioⁿ & changement necessaires des Elemens: & quiconque sçait cette mutuelle conuersion des vns aux autres, celuy la est assurement dans la parfaicte voye, en laquelle il trouuera ce qu'il y cherche dans la quintessence espui-see des Elemens entiers, & ne retenant plus de leurs immunditez superflues & sales ordures. Or cette quintessence est vne humidité operatiue d'excellente nature, laquelle donne lustre à tous les quatre Elemens sans estre comprimée, les trās-

muans en sa propre nature de quintessence, & cela s'appelle l'ame du monde comprise en toutes choses, que nous nommons aussi le feu des Philosophes. C'est encor la vraye fixation de laquelle parle Geber. Riē, dit-il, ne deuiendra ferme, soit qu'il recoiue quelque lumiere, ou deuienne vne belle & penetrante substance, car de là viēt le soulfhre des Philosophes, & la cēdre qui en est tiree, sans la Lune qui est toute la maistrise & de tres-grand effect, car en icelle se conserue vne eau de metaux, laquelle se resiouyt au corps qu'elle anime & rend viuant: ce qui est vne mixtion de blanche & rouge teinture, & vn esprit figurant, car la Lune cōtient obscurément en soy la teinture du Soleil, qu'elle produit en forme de soulfhre rouge sur la fin de la decoction, le tout par le moyen de l'ame du monde & le feu des Philo-

sophes qui faiēt tout de soy mesme. Plusieurs noirceurs & corruptions se trouuent encor en cette ablution, par le feu chaud qui purifie toutes choses, & blanchit les choses noires, lesquelles vnes fois amorties & reduictes à neant, rendent en mesme temps la vie à la matiere, en laquelle on cognoist vne pure & entiere chaleur entremeslee d'une douce humidité des metaux, desquels la matiere teincte reçoit force & vigueur.

La putrefaction tant desirée de tous les Philosophes, commel'Ame premiere de leur meilleure estude, sera parfaicte & accomplie, lors que manifestement elle sera brisée & destruite de sa premiere forme & d'une couleur noire, qui deuient blanche attirāt le secret en dehors par la corruption, car ce qui estoit caché auparavant icelle se monstre en euidēce & se rachapte de la mort, tant on

donne de pouuoir sur nostre ouura-
ge à l'essence noire du soulfre des
Philosophes. C'est aussi ce que dict
Arnauld de Villeneufue en son Ro-
faire: *Huius operis perfectio, est natura permu-
ratio.* le tout ne consistant qu'en la
cōuerfion de diuerses natures. Ray-
mond en la Theorie de son Testa-
ment en est de mesme aduis [L'art,
dict-il, de nostre magistere depend
de la corruption.] Et dissoluimus, ad-
iouste il encore, *cum putrefactionibus.* Et
en vn autre endroiçt, il dict que qui-
conque sçayt le moyen de pouuoir
destruire, c'est à dire, dissoudre l'or,
il est parueni iusqu'au secret. Et, no-
stre pierre, poursuit-il tousiours, ne
se trouue iamais que dans le ventre
de la corruption. *Lapis noster nunquam
inuenitur nisi in ventre corruptionum.* La
Tourbe des Philosophes y contri-
buë aussi ces mesmes parolles. [La
pourriture, disent ils, est le premier

ascendant & la plus belle esperance de
toute l'œuvre, laquelle descouvre &
met en veüe le plus haut mystere de
cette operation.] Qui est principale-
ment vne certaine distinction &
vraye conuersion des Elemens,

*En leur essence & premiere matiere,
D'où se collige & peut voir l'œuvre entiere.*

C'est de ce changement duquel
nous aduertissent si souuent ceux
de cette docte Tourbe apres tant
d'autres anciés. [Change les Elemēs,
& ce qui est humide fais le deuenir
sec & ferme.] Lesquels passās encor
plus outre, asseurent que la matiere
& ce qui endepend est, comme il
faut preparee, lors que le tout est
deüiemēt puluerisé & ne faict qu'un
corps ensemble; qui pour cet effect
aussi est fort à propos nommé Con-
iunction des philosophes. Conside-
re donc encore vne fois que la Cal-
cination se faict en vain, si quelque

poudre n'en est tiree dehors, laquelle est l'eau des Philosophes, dictée Cendre d'Hermes ou pouldre de Mercure, selon mesme que nous le monstre Augurel en ces termes.

*L'Eau que j'entends exterieurement,
D'une pouldre a l'espece proprement.*

La decoction est aussi vne des principales & necessaires parties que doiuent rechercher ceux qui scauent emploier la fleur de leur meilleure vacatiō sur les essays de nostre magistere. Albert le grand est bien de cet aduis entre les autres Philosophes qui n'ē font pas moins d'estat, mais puis qu'il s'est le premier presenté deuāt mes yeux, j'en rapporteray les parolles. De tous les Arts, dict il, mesme des plus parfaits, nous n'en scauons pas vn qui de plus pres imite la nature, que celuy des Alchimistes, à cause de la decoction &

formation qui se cuisent en vne eau rouge & ignee des metaux, tirans de près les viues qualitez du Soleil & tant soit peu de la nature; aussi est-ce vne assation & cōmune dissolution des Philosophes, dont l'humidité se consommerà peu à peu avec le feu clair: mais il faut bien prendre garde, que l'esprit qui est ainsi aride & desseiché du corps, ou ne correspondra plus audit corps, ou bien il ne sera encor assez du tout espuré & parfait.

La Distillation des Philosophes, autrement appelée Clarification, apporte vn grand aduancement à la conclusion de nostre ouurage, que nous disons estre vne certaine purification de quelque matiere avec vne humidité radicale, lesquelles iointes font esperer aux Sages vne fin desirée de toute l'œuure; moyennāt cette coagulation, l'alliance parfaite se faict & la conception du soul-

phrenon vulgal , & Corbeau ou du Faucon d'Hermes, qui se tient tousiours, (dict-il, avec le Treuïlan) au bout des montagnes, c'est à dire, sur la superficie du metal, quand il est *spiritus niger non vrens*, l'esprit noir & non brullant, criant sans cesse: Je suis le blâc du noir & le rouge du Citrin. La rencontre que i'ay faict d'un bel Enigme sur cet Oyseau, me l'a faict recueillir le trouuant assez sortable à nostre subiect, en memoire duquel il a esté doctement composé; puis que la curiosité modeste de nostre œuvre mystique y est comprise, j'en feray liberalement part à la souuenance & au merite du lecteur beneuole.

Enigme.

*J'habite dans les mons, & parmy la planure,
Pere deuant que fils i'ay ma mere engendré,
Et ma mere sans pere en ses flancs m'a porté,
Sans auoir nul besoin d'aucune nourriture.*

*Hermaphrodite, suis d'une & d'autre nature,
Du plus*

Du plus fort le vainqueur, du moindre surmonté,
Et ne se trouue rien deffous le Ciel vouté,
De si beau, de si bon, & parfaicte figure.

En moy, dans moy, sans moy, naist vn estrange
Oyseau,

Qui de ses os non os se bastit vn tombeau,
Ou sans ailes volant, mourant se renuifie.

Et de nature l'art en ensuyuant la loy,
Il se metamorphose à la fin en vn Roy,
Six autres surmontant d'admirable harmonie.

Le Rosaire nous parle aussi de la Co-
agulatiō qu'il compare au Corbeau
qui vole sans ailles, laquelle se faict
principalemēt par la dissolutiō cau-
see de la chaleur, & par la congelatiō
causée par la froideur, qui sont les
deux moyens de la parfaicte genera-
tion. Hermes parlant de quelle cha-
leur toute l'œuure se peut entretenir
diēt en sa Table d'Emeraude, que le
Soleil en est le pere, la Lune en est
la mere, & le feu tiers le gouuerneur:
nous remōstrant que sa force,

Est toute parfaicte & entiere,
Quand il retourne en terre arriere.

Et lors que par degrez cet Elixir viét
à se muer en terre ferme , laquelle
puis apres peut seruir à tant de diuer-
ses operations qu'on ne les peut nô-
brer , sur quelque corps propice
qu'on la veille appliquer : Et pour
cette raison la pouuons nous aussi
comparer à vne aire bien fournie,
qui conserue seurement tous les
grains qu'on luy presente , & faiét
profit de toutes choses , comme
nostre Art estant parfaict conuer-
tit tout ce qui rapporte & approche
de sa nature en la mesme nature , &
faiét estant secouru de suffisans ma-
teriaux, des bastimens admirables &
dignes d'un parfaict Architecte du
Soleil.

DE LA DIVERSE OPERATION*de l'Oeuvre, de la Varieté des noms, &**des Similitudes dont vsent les Phi-**losophes en cet Art pour**la preparation d'i-**celle Oeuvre.*

'Est vn dire cōmun en-
tre les Philosophes que
celuy la scayt industri-
eusement vn excellent
Chef-d'œuvre des me-

taux & se rend des plus grands mai-
stres en cet Art, qui peut esteindre &
amortir la viuacité du mercure : si ne
se faut il pas pourtant arrester sur
cette lettre si cruë, qu'il ne soit au-
cunemēt besoin d'y gloser quelque
sens, par ce qu'ils traictent tous di-
uersement de leur mercure. Nous
mettrons en aduāt pour l'entree de
leurs controuerses mercuriales, ce
qu'en dict Senior, par la preference
queluy donne son nom sur les au-

tres Autheurs. [Nostre feu, dict il, est vne eau, mais lors que tu pourras approprier vn feu à vn autre feu, & vn mercure à vn autre mercure, cette sciēce te suffira pour la fin glorieuse de tes pretensions.] Vous voyez cōme il appelle ce vis-argent vn feu & vne eau, & qu'il est necessaire que ce feu soit faict par le moyen d'vn autre feu. Il dit encore que l'ame sera tirée dehors par la pourriture, qui est la noirceur & premiere couleur du parfaict Elixir, laquelle s'influe de rechef dans ce corps mort pour luy faire part de son esprit & le faire reuiure & resusciter, à ce que le Sage philosophe possede puis apres, & l'Esprit & le corps paisiblement ensemble de son œuure parfaict. C'est ce que dict encore la Tourbe parlāt de leur Mercure qu'ils appellent leur feu. [Prenez, dict elle, l'esprit noir non bruslant, avec lequel il faut dis-

soudre & diuiser les corps: cet Esprit est tout feu, dissoluant toutes sortes de corps par sa propriété ignee, & les diuisant avec ses semblables en essence.]

Plusieurs autres tiennent que ce Mercure est proprement appellé quintessence, l'ame du monde, esprit, eau permanente, menstrue, & d'une infinité d'autres nōs qui luy rapportent tous selon la diuersité de ses effects, auquel ils donnent tant de force & de vertu, que sans l'assistance de cette ame viuifiée, le corps de nostre vaisseau, c'est à dire la matiere noire qu'ils appellent le Dragon deuorant sa queue, qui est sa propre humidité, n'obtiendrait iamais la vie, & ne feroit paroistre aucun signe de bon effect. Prends, disent-ils, ce vif argent, & ce corps de Magnesie noire, ou quelque soulfre pur & non bruslé, que tu doibs

pulueriser & comprimer dans vn vinaigre tres-fort : mais tu n'y recognoistras aucune apparence de changement ny mutation des couleurs permanentes, qui sont les noire, blanche & rouge, toutes trois tres-necessaires, si le feu n'est de la partie qui le vienne à blanchir, & ne s'approche de cette composition, car c'est luy seul qui se reserve cette propriete, & qui le sçait bien gouverner, luy faisant recevoir vne rougeur au dedas, laquelle, dict la Tourbe des Philosophes, peut deuenir en or, se transformant en certain Elixir dont on espuise vne eau, qui sert à plusieurs teintures, donnant la vie & la couleur à toutes celles qui luy sont rapportees. Mais comme la noirceur est le premier qu'il faut cognoistre en l'ouurage, & qui sert tellement de marche-pied aux autres, qu'elles y peuuent asseoir fixement quelles

qu'elles soient leurs entieres demar-
ches, car puis que celle là a precedé,
toutes les autres y peuuent venir al-
seurement, aussi les contiét elle tou-
tes en puissance. *Quicumque color, dit Ar-*
nauld, post nigredinem apparebit, laudabilis est.
Et quand tu verras ta matiere noir-
cie, resiouis toy & te console en toy
mesme, pource que c'est le commē-
cement de l'œuure. Au grand Rosai-
re des Philosophes il dict encor, que
toute la perfection de cette science
consiste au changement de la natu-
re, qui ne se peut faire que par le che-
min que luy fraye heureusemēt cer-
te planche noire tant desiree, sans les
vestiges de laquelle ce seroit, com-
me l'on dict, compter sans son ho-
ste, avec lequel il seroit force de
recommencer vne autre fois, &
faire estat de l'autre comme de cho-
se non aduenue. Mais si tu peux ap-
percevoir dans ton vaisseau le soul-

phre noir duquel nous traictons ici,
est nostri operis perfectio, & vne attente in-
faillible des autres voyes necessaires.
Voici ce qu'en estime cette graue
& preuoyante Tourbe, à sçauoir,
que la couleur Citrine & la rouge
qui paroissent exterieurement, la
noire estant ia passee pour faire ou-
uerture à celles qui la suiuent, sont
extremement bonnes & pleines
de bon succés, apres lesquelles vne
autre couleur purpuree fort precieu-
se & de grande esperance suruiuent,
qui rend tout assure l'heureux eue-
nement du triomphe, ou de la ma-
gnificence promise à nostre Roy: &
cette couleur est le meilleur & le plus
pur Mercure qui nous fournit les
plus exquises teintures de nostre ma-
gistere toutes remplies d'une tres-
suaue odeur. Or toutes ces belles &
excellentes proprietés iustement o-
btroyees à ce digne Mercure, de-

monstrent clairement l'estime qu'e
doient faire les Sages Philosophes,
lesquels luy attribuent aussi d'une
cōmune voix non seulement l'hon-
neur d'un bon & favorable com-
mencement, mais encor croient-ils
qu'il preside heureusement à la per-
fection & totale cōclusion de l'œu-
re, tirant de son essence vn vray re-
mede à toutes lāguez, & le regule
glorieux de la felicité humaine, ap-
puyee des fermes pilotis de son rare
pouuoir & cimentee de la subtile vi-
uacité de cet esprit volant.

Hermes ce grand Prince des phi-
losophes n'ignorant rien des choses
naturelles qui se peuuent apprēdre,
y a tant reconnu de proprietiez, que
l'excellence de ce Mercure a porté
son esprit au delà de toutes les louā-
ges qu'on peut modestement don-
ner à vn corps mineral, pour le fauo-
riser d'un eloge glorieux respondāt

à ses propres merites & merueilleu-
ses perfections. Voulant donc par
vn abregé metaphorique descri-
re succinctement les particulieres
proprietez de ce susdict mercure, il
vse de ces mots. [Ie me suis, dict-il,
donné de garde d'un Oyseau, l'ap-
pellant ainsi pource qu'il est esprit &
corps, premier né de la terre,

- Trescommun, trescaché, tresvil, tresprecieux,
Conseruant, destruisant, bon & malicieux,
Commencement & fin de toute creature, &c.

car la corruption & la noirceur sont
le cōmencement & la fin de toutes
choses. Ce qu'Augurel en sa chryso-
pee confirme encor fort à propos
quād il parle de cet Oyseau noir dis-
soluāt les corps par ces vers suiuan.

*Et qui plus est cette nature efforce
Qui d'amollir ces deux metaux s'efforce,
En toute chose est naturellement,*

En luy donnant fin & commencement.

Les axiomes & principes naturels nous assurens que la corruption vniuerselle est le sperme commun, le ciment & la semence propre à toutes generations. Mais en fin pour reuenir au naturel de nostre Oyseau, nous deuons remarquer en luy & recognoistre vne telle preuoyance, qu'il a bien l'industrie d'esquiuier & preuoir ce qui luy est contraire, prenant son vol tantost au signe du Lion ou de l'Escreuiffe, & tantost au signe du Charriot & du Capricorne. Mais si apres tant de subtiles fuites, tu le peux arrester & corriger de ses legeretez retenant le cours de sa vifstesse, tu pourras obtenir à iuste tiltre d'aphyteose perpetuelle de fort riches mineraux, & iouyr à longues annees de maintes choses precieuses, dont l'exquise valeur ne t'estoit encor venue à parfaite cognoissance.

L'ayant en fin arresté tu le peux diuiser & separer en diuerses parties, faisant en sorte que tut'en puisse reseruer quelque part, laquelle tu feras abbaissier iusques en sa terre morte & pourrie, aussi long temps que cet esprit volatil luy vienne ayder à se remettre sus pieds par sa forte nature, la decorant encor d'une varieté de belles couleurs agreables, qui sont indices trescertains de sa Clarification : & lors que tous ces retours luy sont arriuez les bons Autheurs l'appellent, la Terre & le Plomb des Sages, de laquelle on peut heureusement vser, ayant acquise cette proprieté que d'eschauffer le vaisseau d'Hermes, c'est à dire, du Mercure, & distiller en temps & lieu, par nombre ou certaine distribution de la partie, qualifiant cette terre spiritualisee de diuers noms selon la succession des Couleurs & les diuerses

operations de cet esprit volant sans
aisles, en sublimant & rectifiant ius-
ques au fond toute la masse qui se
decroist, puis se purifie, & rend de
plus en plus son teinct plus beau,
iusques à ce qu'elle ayt atteint la pre-
miere perfectiō blâche avec la quel-
le elle subit la mort vne autre fois,
pour retourner derechef, & tost a-
pres à vne plus glorieuse vie, qui est
d'une teinture rouge. Fais encor pu-
trifier ce corps & le puluerise ius-
ques à ce que l'occulte & caché qui
est le rouge interieur vienne à se de-
monstrer & manifester à veüe d'oeil:
puis diuise & dissouls les elemens,
de telle sorte que tu les puisse reioin-
re & reünir selon les occurrences, &
puluerise derechef le tout tant que
la chose corporee & materielle, de-
uienne en son essence animee & spi-
rituelle: ce qu'estant cōmodement
faict il te faut encor retirer l'ame du

corps que tu rassembleras & rectifieras à son Esprit.

Ce gentil messager des Dieux Mercure plein d'inuentions & de subtilitez ainsi tourné de toutes parts, s'est acquis force lustre, duquel il fait librement & largement esgale portion à ses associez & plus proches voisins; comme à Venus, à laquelle il donne vne blancheur, à Jupiter trop violent il modere & diminue les forces, rend Saturne endurcy, & fait que Mars s'amollisse, donne à la Lune vne couleur Citrine, & resoult tous les corps en vne parfaicte eau, de laquelle on espuise la vraye source d'une admirable vertu: ce que le Treuisan declare ouuertement en la pratique de son liure de la Philosophie naturelle des metaux, de sorte qu'il nous suffira d'enuoyer les lecteurs à ce qu'il en décrit pertinemment, sans nous y

arrester plus long temps.

Les Philosophes encor nous enseignent sur le doigt les moyens necessaires de paruenir aux preparations du soulfhre noir, iusques à la premiere nature du rouge, qu'ils appellent distillation, tant qu'elle arriue à vne gomme oleagineuse & aquatique, incōbustible, fort penetrante, & du tout semblable au corps, laquelle à cet effect est de plusieurs nommee l'ame, pour ce qu'elle viuifie, conioinct, insere & rend les Natures en Esprit. Ce soulfhre ainsi reduit, surpasse en excellence tous les prix & les valeurs qu'on luy sçauroit donner, aussi l'ont ils grandement prisé & qualifié d'un eloge d'honneur, quand ils luy ont prerogatiuement attribué le rare nom de lait de vierge ou de pucelle, *lac virginium*, qui reuient aucunement à la forme de quelque

gomme rouge, toute d'or & ressemblant à l'eau des Philosophes, tres-replendissante, qu'il faut coaguler, communément appelée des Sages, *unctura sapientie*, teinture admirable de Sapience, ou le feu vif des couleurs permanentes, vne ame & vn esprit qui s'estend loin par sa vertu se rendant volatil, ou se retire & restreint quād il luy plaist, d'vne teinture fixe dans ses indiuidus, c'est à dire dans sa nature propre & homogenee.

Ce Mercure non vulgal est encor appelé Soulfhre rouge, gomme d'or, or apparent, corps desiré, or singulier, eau de sapience, terre d'argent, terre blanche, air de sapience, (remarquez que l'enfant des Philosophes est né dans l'air) lors principalement qu'il a receu vne insigne & parfaicte blancheur. Toute la Tourbe des Philosophes arrestee sur les circonstances qui doiuent paroistre

paroistre sur la surface & sur le corps entier de leur fruit, en a legué ce iugement. Il faut, disent ils, sçauoir qu'on ne peut rendre l'or rouge, qu'il n'ait passé premierement au blanc apres la corruption, pource qu'il n'y a point de voye aux deux extremittez de l'œuure que par la blâcheur qui en est le milieu; afin que vo^s obseruiez toutes les regles qu'il faut tenir en cette methode, puis que le desordre & le cêtre de confusion, qui se faiet plustost suiure par les estafiers de la desolation que des auâtcoureurs de consolation esleuez sous la prudente discipline d'un ordre necessaire à cette operation. Or toutes ces couleurs, quoy qu'elles soient d'une mesme nature, & se retrouuent successiuement en un mesme subiect, si trainêt-elles pourtant diuers effects, car il est vray que le blanc sera faiet noir par le rouge, &

que d'une eau pure la couleur cristalline paroistra du rouge citrin, toutes separees de quelq; secrette vertu particuliere. Morien te fraye sur les replis de son liure, traictant de la transmutation des metaux metaphoriquement, la proportion & les degrez que tu doibs rechercher en la composition de ton labeur: *Fac*, dict-il, *ut fumus rubens fumum album capiat, ac deorsum ambos effunde & coniunge*, la fumee rouge doit comprendre la blanche, & les joindre toutes deux ensemble. Le Code de toute verité dict aussi sur le mesme suiet: [blanchissez le rouge, & rougissez le blanc, car c'est tout l'art, le commencement & la fin.] Senior parlant encor de cette variété des couleurs, nous donne à entendre aux paroles suivantes, le grand profit & necessité d'icelles. C'est vne chose admirable que de considerer les belles fonctions & les nobles fa-

ctions de cet esprit mercurial, lequel si tu viens à ietter par dessus les trois autres defaillans, il porte aide & secours au blanc, & par dessus le citrin & le rouge, il le rend aussi parfaictement blanc qu'une couleur de lys ou argentine, puis il aide & donne couleur au rouge par dessus le citrin le rendant comme albastre. Morien forme & conforme son iugement sur le fidelle rapport des plus experts en cette science, authorisant par son opinion ce qu'ils en ont traicté, la sentéce desquels a puis apres graue-ment passé en arrest de maxime irreuocable. Prens garde, dict-il, au citrin parfaict qui se deueloppe peu à peu de cette citrinité, pour se donner & acquerir vne plus ample & releuee augmentation de rougeur, s'estant au prealable demis premierement d'une forte & puissante noirceur qu'elle auoit obtenue en sa

premiere saiso, pour seruir de terre, de base & fondement assure à la semence de toute l'œuvre.

De tous ces Theoremes irrefragables solidement soudez en l'idee des plus fameux Architectes qui ont heureusement entrepris la fabrique industrieuse de cette excellēte Pierre, & cizelee de leur ouuriere main en cube de Hermes, nous pouuons facilement comprendre, Que l'or des Philosophes est tout autre que l'or commun ou l'argent, son plus proche suiuant & premier amulateur de sa perfection, combien que la similitude qu'en donnēt les sages enfans de la science, semble pourtāt auoir quelque communicatiō & familiere conionction avec l'or & l'argent cōmun, aussi biē qu'avec les autres metaux, qui manquēt en effect de la mesme pureté & perfectiō des pl^h hauts en couleur, mais semblables

en puissance tédant tous avec le tēps
& le soin preuoyant de la nature à la
mesme faueur & degré de qualité su-
preme de leur Roy tres-luisât, quoy
que plusieurs Autheurs soiēt d'opi-
nion que les metaux impurs demeu-
rēt tousiours tels, sans iamais arriuer
à plus haut lustre, & que le plomb re-
tient tousiours du plomb, tout efois
no^v voyōs que l'excellēce de l'œuure
est souuēt comparee à ces inferieurs
& imparfaicts metaux, pour l'affini-
té reciproque qu'ils ont ensemble,
sinon d'effect, au moins d'espoir &
d'esperance.

Considerez ce que fort à propos
pour confirmer noz escrits en rap-
porte Senior, parlant des impar-
faicts, qui neantmoins pretendent
quelque iour de venir au pair des
plus parfaicts, n'estans deuancez de
leur essence plus noble, que de pri-
mogeniture & de temps seulement,

ayans autrefois esté moindres en decoction, d'extraction aussi vile, & d'estoffe autant abiecte que la composition naturelle des imparfaits, les plus parfaits restans originaires & sans aucune difference de noblesse à la commune semence & principes vniuersels de ces abiects & sordides metaux. Je suis, dict il, vn fer, (se seruât d'une Prosopopœe pour le faire parler d'un iargon plus que metallique) vn fer, disie dur & sec, mais tel en puissance & vertu, que chose aucune ne se peut esgaller à moy, car ie suis vne coagulation au vif-argent des Philosophes.] La Tourbe dict aussi que le Cuiure & le Plomb deviendront vne pierre precieuse, qualifiant mesme la plus noble & parfaite couleur de l'œuure & l'œuure mesme du nô de cuiure; aussi disent ils encor que le plomb est le commencement de leur vray magistere, &

sans lequel rien ne peut estre faict.
Autât en ont ils exposé d'un plomb
rouge faict en un blanc ou un Ve-
nus de Mars. Et d'un plomb blanc,
(ont ils continué) tu en feras vne
teinture blanche, qui est le soulfre
lunaire, & lors ton labeur sera ia pas-
sé de la noirceur & paruenue au blâc,
secôde liuree des officiers de nostre
Roy, & le milieu proportionné de
l'artifice. Et c'est pourquoy le Phi-
losophe nous a enseigné qu'il n'y a
rien de plus voisin ou qui s'appro-
che plus de l'or & de sa nature, que
le plomb, en ce qu'en luy consiste
la vie, & qu'il attire à soy tous les se-
crets. Mais il ne faut pas prendre ces
belles qualitez, de si pres à la lettre,
ny rechercher au plomb commun
ces rares preeminences, auquel ces
vertuz & proprietéz ne se peuuent
trouuer, ains seulement en celuy
qu'on appelle des Philosophes, d'au-

tant que par la facilité de la putrefaction & de l'infection de la terre puante, il obtient de l'avantage sur les autres métaux : c'est pourquoy ont ils tous dict avec Raymond Lulle, que sans la putrefaction l'œuvre ne se peut faire, qui est l'eau, le feu & la clef de la parfaite Magnesie. A cette mesme fin Moriël l'a doctement comparé à l'arsenic, à l'orpimēt, à la tutie, à la terre pourrie & au soulfhre puāt, à tout venin, poison & pourriture, pour la correspōdāce qu'il a avec ces choses, puis encor à d'autres corps qui ne sont point pourtāt du nōbre des mineraux, ains qui en retiennēt seulement quelques complexions, comme au sang & plusieurs autres semblables de telle qualité; & finalement à diverses matieres minerales, comme au sel, alum & autres, toutes ces varietez luy estāt attribuees pour la grande & apparēte diuersité qu'il

tient en ses effectz, proprement rapportez à chasque espeece particuliere de ces corps susnómez. C'est pourquoy dit Gebert, que leur Pierre est extraicte des corps metalliques preparez avec leur arsenic, c'est à dire avec la corruption. Et Calid en son miroir des Secrets. *Vnge folium toxico:* Oingts, dict il, le fueillet de venim, qui denote encor ceste susdite putrefaction.

Mais sur toutes choses Alphidius nous aduertit de bien prédre garde, d'entretenir & gouuerner prudémēt vn corps animé, & vne Pierre presq; morte, qui est ceste noirceur, car en iceux en tāt que tels, no⁹ n'y retrouverōs aucune voye, aucune proposition ny deliberatiō de nostre enqueste, pour ce que leurs forces ne s'augmentēt nullemēt, ains au cōtraire s'aneantissent perceptiblemēt sans aucun fruit, s'estant debilitées & an-

neanties, comme dict est, par la priuation qui leur aduient de leur chaleur naturelle, laquelle se diminuë iusques à la mort destituee de toutes ses premieres functiōs. Que si pourtant tu leur penſes donner vn trop grand feu, pour empescher que la chaleur qui les nourrit & entretient, ne perisse, ta matiere deuendra rouge deuant que de noircir, qui est la priuation de la vie, & ce faisant tu auras perdu toute ta peine: c'est pourquoy il te faut ayder d'vn feu tres-lét & naturellemēt bien disposé, afin de reuifier ce que la priuatiō auroit debilité par sa violēce dommageable. Car comme dict Ripla en ses douze portes, cent troisiēme chapitre. Garde tousiours que par trop grande chaleur, tes corps ne soient incinerez en poudre seiche, rouge & inutile, mais tasche à ton possible de les pouuoir rendre en poudre noire sē-

blable au bec des corbeaux, au bain chaud, ou bien en nostre fient, les tenant auant toutes choses en chaleur humide iusques à ce que quatre vingt nuiets soient passees, & que la couleur noire apparaisse en tō vaisseau, qui est ce premier sel des Philosophes, & vne teinture attirāt comme certain sel alcaly & autres saumures des corps, laquelle se transmuant subtilement ès choses attirees, elle deuiendra pareille aux essences naturelles des natures metalliques.

Or les auteurs traictent diuersement de la varieté tant de leurs Pierres que de leurs sels, d'autant que la plus grande partie en constitue de trois sortes en la perfection de l'œuvre entiere : i'en prends à garand & pour tesmoignage assure de ma these la proposition descrite au grand Rosaire en cette sorte. *Tres sunt lapides, & tres sales sunt, ex quibus totum magisterium*

consistit. Lucas Rodargire en traicte encor assez amplement en sa dissolution philosophique, arresté sur ce mesme nombre ternaire. Mais il ne faut pas oublier que Raymon Lulle appelle ces trois sels, trois mēstrues, trois vases, trois vifs argēs, trois soulphres, & trois feux, qui ne sont autre chose, à proprement parler, & non plus hyperboliquement en philosophe obscur, que la couleur noire, la blanche & la rouge, lesquelles sont tirees des essences naturelles de la matiere deuë. Les susdicts sels ont tant de puissance sur les parfaictes essences de nostre magistere, que Senior dict en cestermes: Nostre corps deuindra premierement vne cendre, qui se verra reduite en sel, puis en fin paruiendra par son operation diuerse à vne mesure & degré tresparfaict du Mercure des Philosophes.

Mais d'entre tous les fels est à noter pour l'instruction & totale fabrique de l'œuvre, que l'armoniac principalement y tient le premier lieu, surpassant en excellence l'impureté & l'essence moins noble de tous les autres, qui pour cet effect se trouuēt beaucoup moins propres à nostre ouvrage, ainsi que nous l'asseure Aristote en plusieurs endroiets de ses œuvres, nous induisant par sa disertte plume, à nous seruir seulement du sel armoniac en nostre operation, d'autant qu'il s'est naturellement acquis l'art de dissoudre les corps, les amollir & les animer. Or rien n'est-il animé, ny nay ny engendré, sinon apres la corruption, comme dict Morien, qui est cette couleur noire, ou ee sel armoniac, & l'esprit noir dissolvant les corps. La Tourbe y adiouste d'abondant encores ces paroles, confirmant nostre affirmatiue. Il faut,

dict elle, entendre & parfaictement
sçauoir, que les corps ne prendront
aucune teinture, que l'esprit pre-
mierement caché dedás leur ventre
qui est encor cet esprit noir, n'é soit
tiré dehors: ce qu'estant faict, il en
viendra vne eau & vn corps qui est
semblable à la nature, humaine & spi-
rituelle, car elle contient alors corps,
ame & esprit, laquelle estant d'une
essence & couleur delice, ne peut
parfaictemēt teindre cette grosseur
terrestre, si elle n'est subtilisee par cet
esprit & rendu semblable à luy, mais
l'esprit d'une nature aquatique est
teinte en Elixir, qui pour cet effect
produira vne blanche, rouge, pure
& entiere fixatiō d'une couleur par-
faicte & teinture penetrāte, laquelle
se mesle entre tous les metaux, ainsi
que le Mercure celeste se ioint à
chacune planete & se red de leur na-
ture, s'estāt approché de quelqu'un

de ses associez nobles ou: imparfaits.

Mais encor faut il cognoistre que la perfection de toute la maistrise, depend de ce poinct vnique, qu'il faut tirer le soultre hors du corps parfaict ayant vne nature fixe, car le soultre est la tres-âciene & tressubtile partie du sel crySTALLIN, de saueur douce, delectable au goust, & d'humidité aromatique, lesquels estans par l'espace d'un an dedâs le feu, paroistrôt tousiours cōme cire fōdue, & partant s'en tient quelque partie dans le vif-argēt, le teignāt en vn or trespur, & pour ce l'humidité ou eau que l'on tire des corps des metaux, s'appelle l'ame de cette Pierre, cachee dans ladicte humidité, car cette eau est dicte esprit, & la vertu dudit esprit se dict ame & teincture, qui teint & fixe toute ladite eau en pur or. Mais le Mercure ou la force & vigueur d'icelui s'appelle aussi esprit,

quand il a tiré à soy la nature sulphureuse, & la terre aride est le corps, & le corps de la quintessence, & l'extreme & absolue teiture, qui est la vraye essence & nature parfaite s'emparant de toutes formes. Or quoy que ces trois ne prouviennent que d'une seule racine, si ont ils neantmoins différentes & indifferentes operations, les noms desquels sont infinis, selon les couleurs qui apparoissent, & si le tout reuient à vn, sçauoir à cette finale rougeur, se seruant comme de chaisnons attachez si artistement les vns aux autres, qu'on n'y peut recognoistre aucune fin absolue, ains l'une finissant son action ordinaire, l'autre la recommence, par ce que *prima forma destructa introducitur iterum alia*, dict à ce propos Raymond, lequel l'appelle encor en son Testament, *Catena deaurata*, qui est la société du visible avec l'invisible, & qu'ilie ensemble

ble tous les quatre Elemens.

*C'est la belle chaisne doree,
Que j'ay circulante decoree.*

dict la Complainte de Nature. A raison dequoy Iean de Mehun en son Romant de la Rose, l'appelle paillard, par ce qu'elle se conioinct indifferemēt à toutes les formes les vnes apres les autres.

LES VERTVS ADMIRABLES

& forces sur-humaines de cette noble Teinture, succinctement rapportees en la derniere partie de nostre Institution briefue & facile à comprendre.



DES teintures, les plus exquisēs sōt volōtiers les mieux receuēs, selon l'vsage des saisons qu'il leur donna la vogue & le cours entre les hommes,

N

par le desir non mesprisable , ains
plustost tres-louable des esprits mo-
destement curieux du prix inestima-
ble de quelque honorable nou-
ueauté, tant pour les emolumés qui
ralonnent de prés cette curiosité,
que pour les honneurs premeditez
& les bien-seances seantes & conue-
nables à leurs honnestetez , qui les
espient en fin d'un bon succez en l'é-
tiere possessiō des doux fruits pleins
de felicité. Ce sont les deux plus fer-
mes ressorts & les moyens plus appa-
rens pour chatouiller iusques au vif
d'une douce esperâce & d'une calme
bonace les airs fauoniens & du tout
favorables à la paisible promptitude
de nos souspirs, que les profits & les
contentements de sauourer à plein
fonds, quelque obiet meurement
proposé, dans l'idée de nos conce-
ptions, premieremēt meditees qu'at-
tachees fixement aux agraphes du

bon heur & de l'honneur de cette
delectable iouyssance. Or si naturel-
lemēt nous souspirons apres la cho-
se autant aymable que dignement
aymee & desiree pour les causes pri-
cipalement cy dessus mentionnees;
à plus forte raison deuons nous aspi-
rer à la possession parfaicte de nostre
merueilleuse teinture. Mais pour ce
que malaysement nous pouuōs no^r
porter à la recherche penible d'une
chose incognue, veu principale-
mēt que la reelle & actuelle cōnois-
sance doit premieremēt estre occu-
pee dans les destours sinueux d'une
viue imagination, qu'elle se puisse
solidement tenir & arrester aux
grephes auantcourières d'une hon-
nesté amitié, & que les sēs communs
soient prealablement diuertis à bien
cognoistre la chose aymable deuāt
qu'elle soit aymee; ie traicteray en
peu de mots, & selon nostre portee

des mets delicieux de nostre ouura-
ge rissu de la science naturelle, issue
& fomentee dans la consciēce pure
& nette des sages anciens, que ie di-
rois volontiers Mages esleuz à cet
office par preference autorisee de
la diuinité, & aux sacrees conceptiōs
de l'arbre mysterieux qui les a fauori-
sez d'un si souuerain baume: afin que
par la vraye cognoissance de ses rares
raretez & qualitez particulieres,
chasque ame vertueuse glorieuse-
ment esmeue des raisons esleuees
soubz le vol aduantageux de cette
glorieuse teinture, se rende aussi tost
les esprits amoureuxmēt epris de sa
grandeur admiree, que les aisles de-
bōnaires d'une courtoise Renom-
mee retient aux gages ordinaires de
sa fidelité, pour annoncer à tous les
sages l'estime qu'elle faict elle mes-
me de l'excellence de ses obiects, de
tout réps venerables aux yeux plus

clairs voyans & mieux iugeans de
l'odeur tres-suaue d'une telle har-
monie: la douceur de laquelle chage
les vagues ondoyantes d'un si doub-
teux naufrage, soubmis à la mercy
de maintes craintiues irresolutions,
en Phare d'allegresse asseuree, par les-
guille nautique de leur dexterité, si
tost que le tournoy de cet esquif fra-
gile, mais de l'entier vaisseau, main-
tesfois eschoüé, aborde en fin heu-
reusement au port de salut & de cō-
solation soubz les voiles rians & la
docte cōduict des fameux pilotes &
benins Alcyons des Isles Iasoniques:
ce qui faict que leurs cœurs ia tous
rauis dans les Maufoles sacrez d'un
sainct Anthousiasme fixement arre-
stez aux doux attraiets d'une telle
memoire, font fumer les Autels de
leur ardente deuotiō dans le Temple
d'honneur & de recognoissance par
vn acte bien-veillant d'une pieuse

humilité, en signe d'allegresse complete de leur contentement extatique, celeste & surpassant la surface apparéte des humaines contemplations, dont les graues idees sont seulement capables de pouuoir eleuer iusqu'à la cime sourcilleuse des plus hauts monts ouure-cieux, les essences formées de leur intelligences, par la viue effigie & naïue representation d'un soleil terrien rayonnant icy bas autāt que le celeste, aupres duquel mesme ses brillāts esclairs portent peu de lumiere dans le cœur des humains, qui luy fōt à qui mieux paroistre l'hommage qu'ils luy doiuent, leur representant aux vifs esclans de ses moites ardeurs, les atomes vniuersels de l'image de sa gloire, dans les angles delicieux des minieres terrestres par les profondes perspectiues & sublimes proportions d'un art mystique, Philosophi-

que & du tout admirable.)

Je diray donc de nostre Teinture
dont l'esprit animé s'est en sorte ren-
du parfait, qu'il parfait entieremén
les couleurs plus parfaites,

*Et qu'autre semblable à soy,
Ne se peut trouver d'alloy,
Qu'en sa propre essence:
Surpassant heureusement
De ses effets mesmement,
La pure excellence.*

De cette viue source les sages anciés
ont prudément puisé quatre points
remarquables, extraicts d'un plus
grád nombre de ses propres vertus:
mais quoy? vertus si releuees de ma-
ximes infaillibles, que la Nature mes-
me y portant quelque enuie, sem-
bloit quasi se former vn ombrage
en la difficulté de lui signer pour ap-
probation de tant de qualitez ac-
quises,

*Par vn acquiescement & libre & volontaire,
Cette puissance en tout toute hors d'ordinaire.*

Il est vray qu'elles sont telles que la plus part ne les pouuant pas bien cōprendre, luy refusent cette croance, comme chose impossible & hors d'vne conception naturelle: de sorte que l'ignorāce grossiere de ces testes legeres, ne voulant recognoistre en autrui ce qui surpasse leur commune opinion, pensent tenir en bride les minutes surhumaines de ces perfections, & leur riuier le cloud d'vn si grād priuilege par les arrests de quel que ame incredule,

*Soubs le foible compas d'vne vaine apparence,
Si l'effect d'vn bon heur, & si l'experience
Ne leur monstroir au doigt cette presumption.*

Ou ne releuoient le nez d'outrecuidance à ces ames bijearres, empoisonnees d'vn scrupule volage, & d'vn erreur plus que panique & profane,

au grand mespris de nostre magistère; mais que dis-je, non pas, ains plus tost à la confusion de la césure phrenetique de tant de ceruelles legèrement tymbrees sur l'enclume mal polie d'un monde entier de zoïles jaloux,

*Qui ne tiennent autre vie,
Que de la detraction:
Mais la sainte affection,
Dont cet art diuin s'enuie,
Consent que sans passion,
Je l'ayme n'aymant l'enuie.*

EXPOSITION PARTICVLIÈ-

re des effects merueilleux de la vraye
medecine des Philosophes re-
digez en quatre remar-
ques generales.



Le premier point de la perfection est de preserver la personne de quelque maladie qui luy puisse arriuer en son entier estat & salubre conualescence, luy communiquant cette bonne & parfaite disposition iusqu'à quelque nombre mesme des descendans de sa posterité, & chassant entierement par sa preuoyante operation, les causes menaçantes de nos maux qui pourroient iournellement accabler & matter nostre fragile infirmité, sans le prompt remede & souueraine precaution de ce dyctame singulier. Calid en son miroir des secrets d'Alchimie, dit qu'el-

le mondifie les corps de leurs maladies accidentales, & conserue leurs saines substances en l'entiere prosperité exempte de toute alteratiō imparfaicte.

Le second accomplit & rend parfait le corps des metaux, selō la couleur de la medecine: car si elle est au blanc, elle les transmueratous en lune fine, & si au rouge, en soleil tresparfaict.

Le troisieme change toute sorte de pierres en pierres precieuses, à mesure de la decoction qu'aura acquise nostre susditte medecine, la decuisant parfaictement.

Le quatriesme decuit tout verre, & le rend aussi en pierre precieuse de quelque couleur que l'on voudra, selon que la medecine aura esté plus ou moins decuiete, comme aux autres precedens poinets, il est ia remarqué.

L'Oeuure mystique de nostre Pierre estant parfait & du tout accompli est vn don de Dieu si precieux, qu'il surpasse en ses merueilles les plus admirables secrets des sciences du monde: pour cette cause aussi l'appellons nous apres tant d'autres bons Autheurs, le thresor incomparable des thresors. Platon l'atant prisé, que qui, dict il, s'est acquis ce dō du Ciel, il tient tout le meilleur du monde en sa possession, estant paruenue au comble des richesses, & au thresor des medecines. Les Philosophes luy donnent la vertu de guerir toutes sortes de personnes detenues de lāgueurs ou autres maladies quel-les qu'elles soient: pris en breuuage vn peu chauffé & mélé dans du vin ou avec eau tiree de quelque simple & qui ayt la proprieté d'ayder à chaf-que mal, on sera du tout guery en vn iour, s'il n'ya qu'vn mois qu'on

en soit affligé, en douze iours s'il y a vn an, & en vn mois, si le mal est inueteré: duquel la dose ne doit passer le poids d'un grain pour en vser utilement, car plus grande quantité pourroit plus nuire que profiter. Les hydropiques en sont gueris, les paralitiques, lepreux, ictériques, apoplectiques, iliaques, ethiques, demoniaques, insensés & furibonds; ceux qui sont suiects aux tremblemens de cœur, aux fieures, mal caduc, fremissement de membres, douleurs d'estomach, defluxions tant des yeux que de toutes les parties du corps, interieures & exterieures; cette medecine rend l'ouye bonne, fortifie le cœur, restablit les membres imparfaicts en leur entier, chasse du corps toutes apostumes, fistules, ulceres; en fin pour abreger, c'est vn vray baume contre toutes sortes de maux, & vn singulier preseruatif des

infirmitez corporelles, resiouyſſant
l'esprit, augmentant les forces, con-
ſeruant la ieuneſſe, chaffant la vieil-
leſſe & les demons, temperât les qua-
litez, le ſang n'eſtant plus ſuject à la
putrefaction, le flegme n'ayant au-
cune uiſſace ſur les autres humeurs,
la cholere ſans violéce ny prompti-
tude paſſionnee, la melancholie ne
dominant qu'en ſon lieu & recepta-
cle ordonné de la nature: bref en cet
œuure on void du tout accompli le
grād ſecret & le threſor incōparable
des pl⁹ rares ſecrets de tous les Philo-
ſophes. Senior dit que cette proie-
ction, rajeunit l'hōme, le rend dispos
& ioyeux, l'entretenant en parfaite
ſanté iuſques à dix aages. C'eſt pour-
quoy & non ſans raiſon Hippocrat,
Galien, Constantin, Alexandre,
Auicenne & pluſieurs autres cele-
bres & fameux medecins, l'ont pre-
ferée à tous leurs medicamens, l'ap-

pellans medecine parfaicte & baume vniuersel.

En second lieu nous tenons pour maxime arrestee par les experiences qu'en ont faiet les Autheurs, qu'elle chäge les metaux imparfaits en pure lune & soleil tres-parfaict, rendant mesme l'argēt en bel or trespur, plus haut & plus entier que le naturel, constant & permanent en sa couleur, substance & pesanteur.

Pour le troisieme il est tres-certain que cette pouldre, faiet & engendre d'autres pierres precieuses par la proiection sur les pierres communes liquefices, les rendant plus excellētes que leur naturel ne porte, comme iaspes, hyacinthes, corals blanc & rouge, smaragdes, chrysolites, saphirs, crystalins, escarboucles, rubis, topases, chrysopases, diamans, & toutes autres differentes especes de pierreries, qu'elles rend

beaucoup meilleures & surpassantes en force & vertu les naturelles, que cette medecine peut toutes liquéfier par sa propriété.

Et pour le quatriesme & dernier point de nostre magistere, il a cette vertu, que de se communiquer aux animaux vegetaux, & en tous corps infimes pour les rendre parfaicts, n'y ayât mesme si simple reptile icy bas qui ne serue de clairõ resonnat pour annoncer la gloire de ce prix excellent, duquel mesme si vous appliquez tant soit peu sur quelque verre brisé & rompu, il se decoupe, & depart incontinent en toutes sortes de couleurs, qu'il purifie selon la decoction, car quand il est permanent au verd, elle fera des esmeraudes, s'il parvient à la couleur de l'arc en Ciel qui paroist au vaisseau deuant le blanc, il fera des opales, si au Saturne, il produit des diamans, & si
au rouge,

au rouge , des escarboucles.

Mais de peur que les Sages ne portent quelque enuie à ma plume, d'auoir si naïfvement, & peut estre trop au iour à leur gré depeint le tableau des Philosophes, qu'ils ont tant ombragé de paisages obscurs, que les fêtes étrelassées de leurs figures hieroglyphiques ne se peuuent decouurir que par les sens rassis de nos prudens Oedipes, la sciēce desquels franchifiat les Enygmes ialoux de ce Sphinx d'ignorance, trop ambigu pour des moindres ceruelles que nos Daues arguts & subtils en la science d'une vraye philosophie, les a to'heureusement deliurez des cruelles miseres de la necessité, iouissant paisiblement du Royaume parfait non plus de Thebes seulement , mais du Roy mesme & des puissances de la terre vniuerselle , par la dissolution d'un ceud vrayement Gordien, propo-

O

se es cartels de deffi de ce monstre importun, & par la preuoyāce honorable de leur esprit, recompēse d'un si grand prix que de posseder tout ce que le mōde tient le plus cher en ses thresors, à l'endroit desquels le vœu de Platon est accompli, d'auoir en sa republique des Philosophes Roys & des Roys Philosophes pour regner paisiblement. Pour euitier disie, la iuste reprimende de nos graues docteurs, ie feray fin à ce discours, puisqu'aussi bien la regle des proportions de nostre quarré Geometrique, congedie cette facile instruction de parler plus lōg temps, nous permettant d'y imposer silence, & clorre nos escrits par l'autorité du miroir tres-luisant des Secrets de Calid. [Qui l'aura sçeuë, dict il, la sçache & qui ne l'aura sçeuë, ne la pourra sçauoir.] Aussi croyons nous auoir assez viuement buriné pour le presēt

les vifs lineamens de cette briefue methode, au gré des plus sçauans, à la prudence desquels ie remets librement la césure de mes defectuositez, s'ils y en recognoissét quelque marque descrite; les prians neantmoins par les voyes ordinaires de ma simplicité, de prédre en bõne part l'intentiõ de mes pieux desseins qui n'aurõt iamais autre desir que de pouuoir tousiours profiter au public.

CONCLUSION.

L'Ouurage le plus parfait, le plus recõmendable & le plus de requeste, est celui la qui comble son ouurier des iouyssances de ce qu'il peut souhaitter à son vtilité, & qui combat pour la deffence de son maistre preuoyant contre les attaques importunes de l'indigence, mere des

inventions, desquelles les hommes se seruent seulement pour reduire au petit pied cette peste publique, ennemie cōiurée de toutel'humaine felicité. Or si par le fort contrepois de cet homicide venin, l'homme dissipe & exhale heureusement les vapeurs de ses souffrances, pour sa- uouer tout à loysir, les biens que luy suggere vtilement le labour de ses mains menageres, par l'industrie d'un bel esprit, curieux de rendre & tesmoigner quelque bien-veillant deuoir de charité au besoin de son compaignon de plus grossiere estof- fe, & consequemment de sens plus hebeté & de plus lourd iugement, à ce qu'il le puisse releuer du doubte de succōber aux pieges langoureux de la necessité, par l'excellence de quelque art chasse-soin; chaque personne vaincuë d'une iournaliere experience des artistes effectis d'un si

digne ouurier, le reuere en soy mef-
me, & loue en ce qu'il peut l'autheur
de cette inuention, qui conferue
l'entretien de la vie humaine : de-
meurerions nous brutalifans fans
voir fumer de l'ardeur de nos cœurs
des viétimes confacrees à la viue
memoire de nostre teinture admi-
rable, qui red son poffeffeur hors du
pair de tous les hommes, l'efleuant
au fōmet de la felicité? deuiendrions
nous en ce bon-heur ftupides & in-
fensibles aux honneurs deus à cet
œeuure fublime? veu que le filence
mal feant & trop ingrat de nostre
bouche indiscret emēt muette, au-
roit en cet endroit mauuaife grace; fi
d'auanture ce defaut ne fe vouloit
purger fur la crainte raifonnable &
apparente d'auoir la langue moins e-
loquente que le fubieét nous pour-
roit fournir de matiere en affluence,
ou fi le desplaisir d'en discourir trop

peu, ne retenoit noz leures begayantes aux termes specieux d'une modeste taciturnité: car en ce cas l'excuse d'une insuffisance pretendue, trouueroit lieu dās nos escrits, quoy que malaysement l'ingratitude si visible de la mesconnoissance d'un artifice, si grand & si parfait qu'il n'y a rien en ce val sub-lunaire qui s'y puisse esgaler, se peut honnestemēt couvrir à l'abry de quelque vaine raison deuāt to⁹ les iudicieux, qui condamneront tousiours d'anatheme public, ceux qui blasphemeront contre la vraye essence & réelle nature de cet œuure admirable,

*Image tres-parfaict de la diuinité,
Que le Ciel aux humains a benin suscité,
De beau, de precieux, de rare, & d'excellēce.*

Mais pour ce qu'il n'est pas à propos de prophaner les marguerites, les Sages Philosophes tres-aduisez, n'en

ont aussi traicté que par figures eny-
gmaticques, en paroles obscures, col-
locutions & dialogues hyperboli-
ques, ou similitudes ombragees, afin
qu'une si belle perle ne peut estre
contaminee des holocaustes impurs
de personnes abiectes, & non san-
ctifices selon que le requiert ce tres-
sacré mystere. Les ames pusillanimes
n'osent pas entreprendre de suër l'og-
temps apres les pas de la Vertu, pour
leur sèbler de difficile accez & de pe-
nible cōquest, au lieu que les esprits
generousement nais & ne degene-
rans de l'aigle legitime, qui regarde
d'une veue assuree les rayons du So-
leil, quelques brillans qu'ils soient,
ne reculent jamais pour aucune ap-
prehension des chemins espineux:
Aussi l'honneur prenāt plaisir à cette
viue poursuite, les conduit par la
main apres maintes trauerses, & ne
les quitte point qu'ils ne soient arri-

uez au haut du Mont de leurs felicitez, pour triompher heureusement de la fertile moisson & des labeurs ensemencez dans le terroir de leur perseuerance, qui vient enfin à bout des palmes glorieuses. La valeur des Argonautes ne peut estre diuertie de leur celebre entreprise par les Syrthes perilleux qui les vouloient frustrer du bon-heur de leur cōqueste, qu'ils ne la poursuiussent à la pointe de la constance, sous laquelle leur vertu se rendoit immortelle: aussi ne furent ils deceus du doux fruit de leur gloire esperée, puis que le tēps amene tout leur remit à la longue entre les mains le ioyau precieux qu'une ame casaniere n'eust osé se promettre ny mettre le voile au vent sous l'incertain des ondes insensées pour la despoüille honorable d'un si riche butin. Autāt en pouuons nous iuger de nostre œuvre, le choix se

faict des Nautonniers esleus à cette affaire dans le conseil des Cicux, encor n'y abordent ils & ne l'emportent qu'apres vn lōg trauail, appuyé de patience pour amollir le cœur de nostre Pierre, qui sçayt bien diuiser de la commune & confuse Oeconomie de ce large vniuers, ceux qu'elle veut retenir à ses gages, & se donner à eux apres auoir premierement & meuremēt examiné leurs consciences ou prudemment tiré les vers du nez de leur discretion, pour en faire vn ferment propice à sa grâdeur: car elle prend son temps pour se laisser vaincre à la fidelle perseuerance de ces sages Caualliers de la Toysō, auxquels seuls elle se communique, non indifferamment à tous, & non tousiours encor, ains en certaine saison, puis qu'elle attend son temps; que les espics blonds tournent à maturité, que le fruiēt de la terre se soit ja

conferuë plusieurs anneés , & que
les cerueaux posez de ses coheritiers
soient capables de ce dot nuptial.

*Car Geber dict que Vieux estoient,
Les Philosophes qui l'auoient:
Et toutesfois en leur Vieux iours,
Ils iouyrent de leurs amours.*

Auquel aage principalement la
prudence & la vraye preud'homme,
ou iamais, se rendent familières des
hommes, qui doiuent en ce temps
grisonnant auoir faict banqueroute
aux vestemens d'une trop prompte
ieunesse. Et c'est pourquoy Senior
dict que l'homme d'esprit & de bon
iugement peut aysement compren-
dre le vray moyen d'aborder heu-
reusement au Cap d'esperance de
cet art, lors qu'il se donnera tout à
faict & sans discontinue à la lecture
des bons Autheurs, par le moyen
desquels il sera illuminé, & trouuera

l'entree facile pour paruenir en fin
à la vraye cognoissance de ce diuin
Secret: ainsi le tient quelque moder-
ne autheur en ce quatrain suiuant,
conformement à tous les bons ef-
fais de la vraye science.


*Souuent le poil grison deliure les Oyseaux,
Que le Saturnien loge dans nos vaisseaux:
Et la vinacité du Mercure Volage,
Ne se dompte iamais que dans l'esprit du sage.*


FIN



Les de la vraye science
conformement à tous les points
de l'écriture en ce qu'il y a de plus
exact et de plus parfait de ce
monde et de l'autre monde
par le Roy de France
L'Annoe 1671








22

707
u, 3 q





三才圖會